

五代史記注

五代史記卷第九

廬陵歐陽脩撰

徐無黨原注

南昌彭元瑞注

劉鳳誥排次

晉本紀第九

出帝

五代會要少帝諱重貴高祖從子父敬儒母太妃安氏唐天祐十一年六月二十七日生于太原汾

陽里以其日爲啟聖節

父敬儒高祖兄也爲唐莊宗騎將早卒高

祖以其子重貴爲子高祖六子五皆早死而重睿幼故

重貴得立重貴少而謹厚善騎射高祖使博士王震教

以禮記久之不能通大義謂震曰此非我家事也

五代史少

帝名重貴高祖之從子也考諱敬儒母安氏以唐天祐十一年六月二十七日生帝于太原汾陽里敬儒嘗爲

後唐莊宗騎將早薨高祖以帝爲子帝少而謹厚高祖愛之泊歷方鎮嘗遣從行委以庶事但性好馳射有祖禰之風高祖鎮太原命瑯琊王震以禮記教帝不能領其大義謂震曰非我家事業也及高祖受國于太原觀冒矢石數獻可于左右高祖愈重焉清異錄晉出高帝不善詩時爲俳諧語咏天詩曰高平上監碧翁翁

祖爲契丹所立謀以一子留守太原契丹使盡出諸子

自擇之指重貴曰此眼大者可也遂拜金紫光祿大夫

行太原尹北京留守知河東節度事五代史高祖受契丹冊將入洛欲留

一子撫晉陽先謀于契丹主主曰使諸子盡出吾當擇之乃于行中指帝謂高祖曰此眼大者可矣遂以帝爲

北京留守授金紫光祿大夫檢校司徒天福二年九月

行太原尹知河東管内節度觀察事授光祿大夫檢校太保右金吾

召拜左金吾衛上將軍授光祿大夫檢校太保右金吾

衛上將軍冊府元龜少帝初爲金吾上將軍天福三年從高祖幸大名其年天旱高祖遣祈雨白龍潭焚請

未罷有白龍見于潭心是三年冬為開封尹封鄭王加日澍兩尺餘人甚異之

太尉同中書門下平章事五代史三年十二月授開封尹加檢校太傅封鄭王增食

邑三千戶俄加檢校太尉同中書門下平章事五代會要天福三年十二月授開封尹封鄭王六年

高祖幸鄴留守東京已而為廣晉尹徙封齊王五代史六年高

祖幸鄴改廣晉尹進封齊王五代史七年六月乙丑高

會要六年十一月授廣晉尹封齊王五代史是歲六月十三日乙丑

祖崩皇帝即位于柩前五代史是歲六月十三日乙丑

位帝在并州未著人望及保釐浚郊大有寬裕之稱從幸鄴都是歲遇旱高祖遣祈雨于白龍潭有白龍見于

潭心是夜澍雨尺餘人皆異之至是果登大位焉丁卯賜侍衛諸軍將校錢一百貫下至五貫以初即位示資

也戊辰宰臣馮道等率百寮請聽政凡三上表允之五代會要七年六月十三日即位於柩前年二十九

庚午使左驍衛將軍石德超以御馬二匹祭于相州之

西山

原注夷狄之禮也

如京使李仁廊使于契丹契丹使梅里

來丙子馮道爲大行皇帝山陵使門下侍郎竇貞固爲

副太常卿崔稅爲禮儀使戶部侍郎呂琦爲鹵簿使御

史中丞王易簡爲儀仗使

原注舊史實錄無橋道頓遞使疑不置或闕書漢高祖亦

然已卯四方館使朱崇節右金吾衛大將軍梁言使于

契丹

五代史庚午始聽政于崇德殿門偏廊分命廷臣以嗣位奏告天地宗廟社稷遣右驍衛將軍石德

超等押先皇御馬二匹往相州西山撲祭用北俗禮也

丙子以司徒兼侍中馮道爲大行皇帝山陵使門下侍郎竇貞固副之太常卿崔稅爲禮儀使使戶部侍郎呂琦

爲鹵簿使御史中丞王易簡爲儀仗使使已卯遣判四方館事朱崇節右金吾大將軍梁言持國信物秋七月壬

辰皇祖母劉氏崩輟視朝三日

原注高祖所生母也高祖時尊爲皇太后矣其

崩也喪葬不用后禮見恩禮之薄不書曰丁酉使石德皇太后者于帝為祖母也曰崩正其名也

超撲馬于相州之西山原注前已備見故文省庚子大赦甲辰契

丹使通事來五代史秋七月癸未朔百官素服臨于天清殿戊子詔應宮殿州縣及官名府號人

姓名與先帝諱同音者改之改西京明堂殿為宣德殿

中書政事堂為政事廳堂後官房頭為錄事餘為主事

已丑大行皇帝大祥帝釋縗服百官衣縗辛卯帝除禪

服百官吉服壬辰太皇太后劉氏崩高祖之庶母也遺

詔服紀園陵毋用后禮皇帝不得廢軍國機務既而禮

官奏準令式為祖父母齊縗周又準喪葬令皇帝本服

周者三哭而止請準後唐同光三年皇太妃北京薨莊

宗于洛京西內發哀素服不視事三日從之仍遣國子

祭酒兼戶部侍郎田敏奏告高祖靈座癸巳右諫議大

夫鄭受益中書舍人楊昭儉並停見任以請假在外不

赴國哀故也丁酉宰臣馮道等率文武百寮詣崇德殿

門拜表請御正殿凡三上表允之安州奏水平地深七

尺庚子帝御正殿宣制大赦天下諸道州府諸色罪犯

除十惡五逆殺人強盜官典犯贓合作毒藥屠牛鑄錢

外其餘罪犯咸赦除之襄州安從進如能果決輸誠並
從釋放其中外臣寮將校並與加恩天下有蟲蝗處並
與除放租稅辛丑恒州順國軍節度使杜威河東節度
使劉知遠並加檢校太師仍增爵邑青州平盧軍節度
使楊光遠加守太師癸卯鄆州天平軍節度使兼侍衛
馬步都虞候景延廣加特進同中書門下平章事充侍
衛親軍都指揮使滑州義成軍節度使兼侍衛馬軍都
指揮使李守貞相州彰德軍節度使侍衛步軍都指揮
使郭謹並加檢校大傅仍增爵邑宰臣馮道等上表請
依舊置樞密使略曰竊以樞密使創自前朝置諸近侍
其來已久所便尤多頃歲樞密使劉處讓偶屬家難爰
拘喪制既從罷免暫議改更不會顯降勅文永停使額
所願各歸職分豈敢苟避繁難伏請依舊置樞密使初
高祖事後唐明宗親樞密使安重誨秉政擅權賞罰由
己常惡之及登極故斷意廢罷一委中書至是馮道等
厭其事繁故復請置之庶分其權表凡三上不允乙巳
徐州節度使李從溫宋州節度使安彥威並加兼中書
令西都留守充襄州行營都部署高行周加兼侍中鳳
翔節度使李從曠加守太保遣中使就中書賜宰臣馮
道生辰器幣道以幼屬亂離早喪父母不記生日堅辭

不受丙午以給事中羅周岳為左散騎常侍以右諫議大夫符蒙為給事中以秘書少監兼廣晉少尹邊蔚為右散騎常侍以廣晉少尹張煦為右諫議大夫以廣晉府判官光祿少卿邊光範為右諫議大夫丁未荆南節度使南平王高從誨加兼尚書令湖南節度使楚王馬希範加守太傅自是藩侯郡守皆第加官封示溥恩也是月州郡八月戊午高行周克襄州死故不書伏誅

庚申天平軍節度使景延廣義成軍節度使李守貞彰

德軍節度使郭謹

五代史郭謹字守節太原晉陽人謹少從軍能騎射歷河中教練使晉天

福中遷奉國右廂都指揮使歲餘授侍衛步軍都指揮使左廂都指揮泗州防禦使兼寧江軍節度使六年從幸鄴七年晉祖崩少帝即位授彰德軍節度使領軍如故開運初出授鄆州二年入為左神武統軍三年復鎮鄆州高祖踐祚以鄆國舊臣加檢校太尉移鎮滑臺乾祐初復授彰德軍節度使二年十月卒于位年六十輟視朝二日贈侍中進錢粟助

作山陵甲子契丹使郎五來庚午葬皇祖母于魏縣癸

酉契丹使其客省使張九思來

五代史八月壬子朔百官素服臨于天清殿乙

卯以左散騎常侍羅周岳爲東京副留守庚申以山陵禮儀使太常卿崔悅爲太子賓客分司西都病故也王戊晉昌軍節度使桑維翰加檢校太傅甲子宰臣馮道加守太尉趙瑩加中書令李崧加左僕射兼門下侍郎和凝加右僕射契丹遣使致慰禮馬二十四匹及羅絹等物是日襄州行營都部署高行周奏收復襄州安從進自焚而死生擒男宏贊斬之前河東節度使康福卒贈太師諡曰武安戊辰以太子太保兼尙書左僕射劉昫爲太子太傅詔賜襄州城內百姓粟大戶二斛小戶一斛以久困重圍也已巳以太子賓客趙元輔權判太常卿事充山陵禮儀使庚午葬太皇太后于魏縣秦固村癸酉契丹遣使致祭于高祖廟禮御馬二匹羊千口絹千匹契丹主母亦遣使來慰詔免襄州城內人戶今年夏秋來屋稅其城外下營處與放二年租稅應被安從進脅從者一切不問是月河中河東西徐晉商汝等州蝗五代會要晉天福七年八月中書門下奏山陵

禮儀使狀高祖尊諡及廟號伏準故事將啟殯宮前擇
日命太尉率百僚奉諡册告天於園丘畢奉諡册跪讀
于靈前此累朝之制蓋以天命尊極不可稽留今所上
高祖聖文章武明德孝皇帝尊諡寶册伏緣去洛京地
遠寶册難以往來當司詳酌伏請祇差官往洛京祭告
南郊太廟其日中書門下文武百官立班中書令侍中
升靈坐前讀寶册行告諡之禮今從玉牒所九月辛丑
司擇日申請官員行事伏請奏聞宣下者九月辛丑
李守貞爲大行皇帝山陵都部署五代史九月丁丑朔
殿已卯分命朝臣詣寺觀禱雨辛巳兩浙節度使吳越
國王錢宏佐福建節度使王延義並加食邑仍改賜功
臣名號癸未帝御乾明門觀襄州行營都部署高行周
都監張從恩等獻俘馘有司宣露布訖以安從進男宏
受等四十四人徇于市皆斬之曲赦京城禁囚甲申宴
班師將校于崇德殿賜物有差乙酉宰臣和凝上迴河
頌賜鞍馬器帛丁亥以宋州歸德軍節度使安彥威爲
西京留守兼河南尹以襄州行營都部署西京留守高
行周爲宋州節度使加檢校太師戊子降襄州爲防禦
使額均房二州割屬鄧州升泌州爲團練使額已丑以

東京留守兼開封尹李德珪為廣晉尹以宣徽南院使
襄州行營都監張從恩為東京留守兼開封尹加檢校
太尉以前同州節度使襄州行營副部署宋彥筠為鄆
州威勝軍節度使加檢校太尉山陵禮儀使撰高祖附
饗太廟酌獻樂章上之庚寅詔今後除授留守宜降麻
制癸巳樂平公主史氏進封魯國大長公主壽安長公
主烏氏進封魏國大長公主鄭國長公主杜氏進封宋
國大長公主荆南高從誨累表讓尚書令之命己亥追
封故秦國長公主為梁國長公主故永壽長公主為岐
國大長公主故延慶長公主為邠國大長公主辛丑以
義成軍節度使兼侍衛馬軍都指揮使李守貞充大行
皇帝山陵一行都部署王寅以宣徽北院使判三司劉
遂清為鄭州防禦使以澶州防禦使李承福為宣徽北
院使癸卯詔大行皇帝十一月十日山陵宜自十月一
日至十一月二十日不坐放文武百官朝參甲辰上大
行皇帝尊諡寶冊百官素服班于天清殿禮儀使撰進
高祖祔饗太廟酌獻樂章舞冬十月己未契丹使舍利
名請以咸和之舞為名從之

來庚午回鶻遣使者來

五代史冬十月辛亥朔百官素服臨于天清殿襄州利市廟封

爲順正王仍令本州脩崇廟宇癸亥啟攢宮百官衣初
喪服入臨甲子靈駕進發帝于朱鳳門外行遣奠之祭
歸畢還宮丁丑太保盧質卒贈太子太師諡曰文忠已
卯宰臣李崧母喪歸葬深州遣使弔祭之庚辰契丹遣
使致祭于高祖賻馬三匹衣三襲五代十一月契丹
會要七年十月封襄州利市廟爲顯正王
使大卿來庚寅葬聖文章武孝皇帝于顯陵原注陵在河南壽安
縣五代之亂至此七君而不得其死者五明宗雖善終
而愍帝不克葬至廢帝時始克葬故皆不書至此始見
子得葬其父故已亥牛羊使董殷使于契丹庚子耐高
并耐廟詳書之
祖神主于太廟辛丑燭高祖靈車所過民租之半五代史十
一月庚寅葬高祖皇帝于顯陵壬辰湖南奏前洪州節
度使馬希振卒戊戌詔宰臣等分詣寺廟祈雪庚子耐
高祖神主于太廟辛丑以右金吾衛大將軍權判三司
董遇爲三司使詔州郡稅鹽過稅斤七錢住稅斤十錢
州府鹽院並省司差人勾當先是諸州府除蠶鹽外每
年海鹽界分約收鹽價錢一千七萬貫高祖以所在禁

法抵犯者衆遂開鹽禁許通商令州郡配徵人戶食鹽錢上戶千文下戶二百分爲五等時亦便之至是掌賦者欲增射利難于驟變前法乃重其關市之征蓋欲絕其與販歸利于官也其後鹽禁如故鹽錢亦徵至今爲弊焉是日詔天地宗廟社稷及諸祠祭等訪聞所司承管多不精潔宜令三司預支一年禮料物色于太廟置庫收貯差宗正丞主掌委監察御十二月庚午北京留史監當祭器祭服等未備者脩製

守劉知遠進百頭穹廬

原注穹廬夷狄之用也

契丹于越使令骨

支來辛未又使野里己來丙子于闐使都督劉再昇來

沙州曹元深瓜州曹元忠皆遣使者附再昇以來旱蝗

五代史十二月辛酉以威武軍節度副使充福建管内諸軍都指揮使王亞澄爲威武軍副大使知節度事詔諸道州府每遇大祭祀冬至寒食立春立夏雨雪未晴不得行極刑如有已斷下文案可取次日及雨雪定後施行乙丑以前鄧州節度使安審暉爲左羽林統軍以前延州節度使丁審琪爲右羽林統軍以前金州節度

使潘瓌爲左神武統軍以前華州節度使皇甫立爲左
金吾衛上將軍以右龍武統軍劉遂凝爲左驍衛上將
軍以前貝州節度使兼侍衛馬爲右驍衛上將軍丙寅宰臣
馮道滑州節度使兼侍衛馬軍都指揮使李守貞河陽
節度使皇甫遇西京留守安彦威廣晉尹李德珣並加
爵邑以山陵充奉之勞也已已回鶻進奉使密里等各
授懷化歸德大將軍將軍郎將放還蕃庚午故洪州節
度使馬希振追封齊國公辛未故中吳建武等軍節度
使彭城郡王錢元璵追封廣陵郡王丙子于闐回鶻皆
遣使貢方物五代春秋壬寅天福七年六月帝卽位
於鄴都八月高行周克襄州誅安
從進大蝗十一月葬高祖於顯陵

八年春正月契丹于越使烏多奧來

五代史天福八年春正月辛巳盜發

唐坤陵莊宗母曹太后之陵也河南府上言逃戶凡五
千三百八十七餓死者兼之詔諸道以廩粟賑飢民民
有積粟者均分借便以濟貧民時州郡蝗旱百姓流亡
餓死者千萬計東都人士僧道請車駕復幸東京後唐
莊宗德妃伊氏自契丹遣使貢馬庚寅沙州留後曹元
深加檢校太傅充沙州歸義軍節度使癸巳發禁軍萬

人并家口赴東京乙巳于閩同鵠入朝使劉再成等並授懷化大將軍將軍郎將放還蕃二月壬子

景延廣爲御營使己未如東京赦廣晉府囚庚申次澶

州赦囚乙丑至自鄴都庚午寒食望祭顯陵于南莊焚

御衣紙錢原注焚衣野祭之類皆閭巷人之事也用之天子見禮樂壞甚五代史二月庚戌御札

取今月十一日車駕還東京沿路州府不用脩飾行宮

食宿頓遞並以官物供給文武臣寮除有公事合隨駕

外並先次進發以侍衛親軍使景延廣充御營使癸丑

以廣晉尹李德琬權鄴都留守己未車駕發鄴都曲赦

都下禁囚甲子次封邱文武百官見于行宮乙丑至東

京甲戌以東京留守張從恩爲權鄴都留守以皇弟檢校司徒重睿爲檢校太保開封尹年幼未出閣差左散騎常侍邊蔚知府事丁丑以前太僕卿薛仁謙爲衛尉卿河中逃戶凡七千七百五十九是時天下飢穀價翔踊人多餓殍右金吾衛上將軍劉讓卒贈太尉五代會要晉天福八年以皇弟重睿爲開封尹充管內河堤使時重睿以年幼未出閣命左散騎常侍邊蔚權知府

事逐月支錢七十千米麪練千人馬十匹草茱別支公用米二十石麥五十石羊二十口每年麪三千斤錢四百千又開運二年五月又遙領雄武軍節度秦階成等州觀察處置押蕃落管內營田制置等使至三年正月改領忠武軍節度許三月己卯朔趙瑩罷晉昌軍節蔡申等州觀察處置使

度使桑維翰爲侍中辛丑引進使太府卿孟承誨使于

契丹蝗

五代史三月己卯朔以中書令監脩國史趙瑩爲晉昌軍節度使以晉昌軍節度使桑維翰爲

侍中監脩國史辛己以左散騎常侍盧重爲秘書監以東京副留守羅周岳爲右散騎常侍癸未青州節度使東平王楊光遠進封壽王北京留守劉知遠恒州節度使杜威並加兼中書令乙酉以鄜州節度使符彥卿爲河陽節度使以權鄴都留守前開封尹張從恩爲鄴都留守廣晉尹以右羽林統軍丁審琪爲鄆州節度使丁亥天策上將軍湖南節度使使楚王馬希範加守尙書令兼中書令己丑桂州節度使馬希杲依前檢校太尉兼侍中兼知朗州軍州事朗州武平軍節度使馬希萼加檢校太尉進封爵邑以武平軍節度副使岳州團練使

馬希瞻為檢校太尉領廬州昭信軍節度使以武安軍
節度副使承州團練使馬希範之弟也庚寅以宣徽北院
南軍節度使皆楚王馬希範之弟也庚寅以宣徽北院
使李承福為右武衛大將軍充宣徽南院使以前鄭州
防禦使劉繼勳為左千牛衛大將軍充宣徽北院使國
子祭酒兼戶部侍郎田敏以印本五經書上進賜帛五
十段甲午有白鳥棲作坊桐樹作坊使周務掠捕而進
之辛丑引進使太府卿孟承誨使契丹詔京百司攝官
親公事及五年與授初官癸卯以左諫議大夫司徒詔
為給事中左司郎中王仁裕為右諫議大夫前鴻臚卿
王均為少府監五代會要晉天福八年三月進封淄
青節度使楊光遠為壽王又晉天福八年三月有白
鳥棲于作夏四月庚午董殷使于契丹供奉官張福率
坊廂樹
威順軍捕蝗于陳州五代史夏四月戊申朔日有食之
州節度使以徐州節度使李從溫為許州節度使己巳
中書門下奏請以六月二十七日降誕日為啟聖節從
之是月河南河北關西諸五月泰寧軍節度使安審信
州旱蝗分命使臣捕之

捕蝗于中都丁亥追封皇伯敬儒爲宋王歐陽脩晉問或問爲人後

者改其所生父母之名攷於六經與古今典禮固無之

矣而前世有天下之君多矣果無之乎曰有而不足法

也蓋自漢以來由藩侯入繼大統其爲人後合禮而得

正之君皆無之也惟五代晉出帝嘗以其所生父爲皇

伯矣此何足道也彼出帝者立不以正非爲後繼統之

君也蓋其不當立而立必絕其所生則得立不絕則不

得立故不得已而絕之也出帝父曰敬儒高祖之兄也

敬儒早卒高祖憐出帝孤而養以爲己子而高祖自有

子五人高祖疾病以其子重睿託於大臣及高祖崩晉

大臣皆約欲得長君故捨重睿而立出帝其義不當立

惟欺天下以爲高祖真子故得立則其勢豈敢復顧其

所生父也哉其以爲皇伯者不得已也蓋立不以正之

君又不得已而至此其可爲後世法哉嗚呼五代之際

禮樂崩壞三綱五常之道絕先王之制度文章於是掃

地矣蓋篡逆賊亂之始也而晉氏尤甚自高祖與契丹

爲父子出帝以耶律德光則爲祖以其所生父則臣而

名之是其可以人理責乎是其可以爲世法乎出帝既

立不旋踵而契丹滅晉遷其族於北荒幽之黃龍府舉

族餓死永為夷狄之鬼其滅亡禍敗未有若斯之酷也
論者謂漢哀桓亂世不足為法可矣若晉出帝者果可

為法
癸卯馮道罷甲辰以旱蝗大赦追封皇故長姊為

平吳國長公主癸未皇姪女永福縣主薨輟朝三日追封

平昌郡主丁亥皇第二叔祖贈太師高友追封秦王皇

第三叔祖贈太尉萬銓贈太師追封趙王皇伯贈太傅

敬儒贈太師追封宋王皇叔贈太師追封韓王皇叔贈太尉

封如故皇叔贈太傅暉贈太師追封韓王皇叔贈太尉

通王殷皇叔贈太尉廣王威皇兄贈太師沂王重信追封楚王皇

贈太師追封如故皇兄贈太師沂王重信追封楚王皇

兄贈太師追封如故皇兄贈太師沂王重信追封楚王皇

尉陳王重果等並贈太師追封如故仍令所司擇日册

命辛卯以御史中丞王易簡為尚書左丞以禮部侍郎

張允為御史中丞以中書舍人吳承範為禮部侍郎以
吏部侍郎王延為尚書左丞以尚書右丞王松為吏部
侍郎以兵部侍郎張昭遠為吏部侍郎以戶部侍郎呂
琦為兵部侍郎以刑部侍郎韋勲為戶部侍郎以工部
侍郎李詳為刑部侍郎癸巳命宰臣等分詣寺觀禱雨
己亥飛蝗自北翳天而南太子賓客李稅卒甲辰詔諸

道州府見禁罪人除十惡五逆行劫殺人僞行印信合
造毒藥官典犯賊各減一等外餘並放是時所在旱蝗
故有是詔乙巳幸相國寺祈雨冥福禪院藏經碑東
嶽冥福禪院新寫藏經之碑朝議大夫行殿中侍御史
柱國周元休撰述夫元黃判而清濁分三才叙而萬彙
育散乎元素簡易之體猶存降中庸澆薄之風益扇
雖羣分類聚上智下愚靡不惡其死而愛其生其得
而平喪緬維盤古爰及當今咸欲致身于長樂之鄉
立名于無疆之域而嗜慾窒性好尚由心苦海而
迴蹈迷途而繼踵竟致惡而必得愛而必忘浩浩
猶百川之者而言也至于用慈儉體
冲虛而為質駕鸞之侶俯仰八紘喰霞御氣之流
逍遙六合或丹邱暫別或羽化俄歸亦不能忘情于生
死之源絕迹于夷之境降茲以往何足道哉泊乎西
域誕靈耀列星而應瑞漢庭入夢挺金質以呈祥法被
寰中言超象外遠究天人之際廣開方便之門現無生
為不死之示有相入無形之域脩正真之網
能除之至明闇室皆曉觸類斯長無幽不通元
化普洽而不窮虛谷有聲而必應至矣哉總萬法而為
方即絕跡出塵無如佛者夫其道也大慈廣運宏濟無

方開衆妙元關啟導一乘之教覺路難登寂滅
虛空真如綿邈窮冥莫測識智難量是知翫長空者必
假以羽翰濟巨浪者須資于舟楫將欲以言觀法以法
觀心窺解脫之門究其要也始則演以一音次則揭于四句變牽石爲千峰
之秀導勺水爲萬派之源于是貝葉緹紬流行斯廣龍
宮寶藏攸繁莫不指示迷方津梁彼岸使
者必求冈象涉麗水者果獲祥金搜文則萬象皆呈得
意則一言以蔽能宏是者其惟釋門之達士哉卽今經
藏主隱公是其人也公生于鎮州靈壽縣俗姓裴氏法
名志隱出家于奉恩寺受戒于光化初幼無童心長有
佛性名山勝境靡不經遊先止于岨嶠山光化寺脩行
二十餘載剃度三十餘人遠邇傾依縉俗瞻仰是院先
有主者僧順公本貫定州深澤縣人也俗姓李氏法名
智順出家于本州開元寺受業于法華院後因巡禮遂
至山門與先院主僧道言相繼住持六十餘載剃度二
十餘人脩崇院宇德佛事並已周圓濮陽化召得施
主李彥章等特建鐘樓經藏雖斤斧丹青煥乎畢備而
經文典誥咸且闕諸遂乃堅請主持假其緣化旣從請
託遂果成募彼信心資乎敏手堅比移山之志

勤用覆篋之功僅越十年始就前願凡寫藏內經律論
及聖賢傳記等共五千四百八十卷並新紙墨成得精
詳永用絨藏是圖悠久今院主僧行供養主僧行威
曲座行隱並禪林擢秀水澄波護戒珠而如握靈
蛇傳祖印而非關墮鵲三千世界不染六塵八萬法門
皆歸一念身居五濁蓮花生于淤泥燃百燈太陽入
于閭室住持真境炳煥釋况方嶽之中岱宗爲首地
臨齊魯境壓淮沂玉几金床宛留勝跡天門日觀下瞰
長空爰屬盛明卽期封禪方今千年啟運四境無塵緇
徒雖廢于法門野老咸知其帝力府主太師公勲高社
稷列山河下車而比戶咸蘇出令而連營盡肅論兵
玉帳謀深起翦之流禮士金臺價重鄒枚之選故得時
康俗阜氣淑年和成此莊嚴風教遂釋子歸依之
願契如來付囑之言得不備以良因紀之貞石元休功
虧力學敏謝生知幸見托于斯實懷干染翰式揚
功德迺述銘云浩浩浮生茫茫曠劫惡積禍胎福生善
業覺路難尋愛河易涉瞻彼波瀾舟楫爰有大士
百億化身戒珠不類鏡無塵演茲妙法濟彼蒸民門
開覺路指示迷津妙旨幽深微言秘奧窅窅靈源茫茫
元造孰究真宗孰探法寶欲探必資經誥猗歟

典列聖徽猷一音

演萬法斯流雕金縷玉貝葉緹紉

將求佛性捨此何求偉哉達士成此至功平寶藏苑

若龍宮生雖有岸法本無天長地久永播真風大晉

天福八年歲次癸卯五月戊寅朔十五日壬辰建興邦

佐命忠亮功臣泰寧軍節度充沂密等州觀察處置等

使檢校太師同中書門下平章事使持節都督兗州諸

軍事行兗州刺史武威郡開國公食邑二千戶食實封

三百戶安審信節度行軍司馬銀青光祿大夫檢校戶

部尚書兼御史大夫輕車都尉田文進節度副使金紫

光祿大夫檢校尚書左僕射兼御史大夫上柱國冀從

實節度判官朝議郎檢校尚書金部郎中兼侍御史賜

紫金魚袋王琯觀察判官將仕郎檢校尚書職方員外

郎兼侍御史賜紫金魚袋劉彥融節度掌書記將仕郎

試大理司直兼侍御史賜緋魚袋申光遜觀察支使將

仕郎試大理評事李光觀察推官將仕郎試祕書省校書郎

試大理評事李光觀察推官將仕郎試祕書省校書郎

閻翥節度巡官儒林郎試大理評事兼監察御史李

登仕郎前守太子通事舍人守錄事參軍張將仕郎

守戶曹參軍于用章將仕郎守法曹參軍李汎文林郎

試大理評事守乾封縣令張郎守乾封縣主簿

全翼前泰寧軍節度副使光祿大夫檢校司空兼御史大夫上柱國安定縣開國子食邑五百戶席全威院主僧行仙師翁元起置院和尚法號從幽俗姓刁氏藏經功德主僧志隱先師本貫鎮州靈壽縣人本州奉恩寺主僧道恭藏經周備刊石
標題同學行等二十餘人
六月庚戌祭蝗于臯門癸

亥供奉官七人帥奉國軍捕蝗于京畿辛未括借民粟

殺藏粟者

五代史六月庚戌以螟蝗為害詔侍衛馬步軍都指揮使李守貞往臯門祭告仍遣諸司

使梁進超等七人分往開封府界捕之乙卯以左羽林統軍安審暉為潞州節度使宿州奏飛蝗抱草乾死丙辰貝州奏逃戶三千七百遣供奉官衛延韜詣嵩山投龍祈雨戊午以西京留守馬從斌為左監門衛上將軍開封府界飛蝗自死庚申河南府奏飛蝗大下徧滿山野草苗木葉食之皆盡人多餓死禮部侍郎吳承範卒丙寅以將冊皇太后遣尚書左丞王易簡奏告天地陝州奏蝗飛入界傷食五稼及竹木之葉逃戶凡八千一百丁卯以給事中符蒙為禮部侍郎以右諫議大夫裴坦為給事中辛未遣內外臣寮二十八人分往諸道州

府率借粟麥時使臣希旨立法甚峻民開確磴泥封之
隱其數者皆斃之由是人不聊生物情胥怨是月諸州
郡大蝗所至秋七月甲午冊皇太后丁酉射于南莊契
草木皆盡

丹使梅里等來甲辰供奉官李漢超帥奉國軍捕蝗于

京畿

五代史天福八年秋七月丁丑朔京師雨水深三
尺辛巳許州節度使皇甫遇為右龍武統軍丁亥以宣

午以前河陽節度使皇甫遇為右龍武統軍丁亥以宣
徽南院使李承福為同州節度使癸巳改陝州甘棠驛

為通津驛避廟諱也甲午正衙命冊皇太后以宰臣李
崧充使右散騎常侍李慎儀為副丁酉幸南莊召從駕

臣僚習射路左農人各賜布衫麻屨八月丁未朔募民捕蝗易以粟事文類聚

備史五代晉出帝天福辛亥檢民青苗五代史八月戊申右衛上將軍

問募民捕蝗易以粟楊思權卒贈太傅辛亥分命朝臣一十三人分檢諸州

旱苗涇青磁鄴都共奏逃戶凡五千八百九十諸縣令
佐以天災民餓攜牌印納者五癸酉以九月戊寅尊秦
前昭義節度使李從敏為左龍武統軍

國夫人安氏爲皇太妃丙申幸大年莊及景延廣第五代

史九月戊寅尊秦國夫人安氏爲皇太妃帝所生母也
丁亥追册故魏國夫人張氏爲皇后帝之元妃也是日
以金部郎中知制誥馮玉爲檢校尚書右僕射充潁州
團練使戊子前潁州團練使田令方追奪在身官爵勒
歸私第坐前任耀州日額外配民麴錢納歸私室故也
延州奏綏州刺史李彝敏拋棄郡城與弟彝俊等五人
將骨月二百七十口來投當州押送赴闕稱與兄夏州
節度使彝殷偶起猜嫌互相攻伐故也辛卯夏州奏差
宥州刺史李仁立權知綏州癸巳故絳州刺史張從訓
贈太尉追册皇后之父也甲午夏州李彝殷奏衙內都
指揮使拓拔崇斌等五人作亂當時收擒處斬訖相次
綏州刺史李彝敏擅將兵士直抵城門尋差人掩殺彝
敏知事不濟與弟五人將家南走詔李彝敏潛結兇黨
顯恣逆謀骨月之間尙與屠害照臨之內難以含容送
夏州處斬丙申幸大年莊遂幸侍衛使景延廣第延廣
進金玉器玩賜延廣玉帶名馬母妻賓佐部曲僮僕錫
資咸及之庚子以右諫議大夫邊光範爲給事中以吏
部郎中劉知新爲右諫議大夫是月諸州郡括借到軍

食以籍來上吏民有隱落者並處極
法州郡十七蝗餓死者數十萬
冬十月戊申立馮

氏為皇后原注馮氏于帝為叔母
壬子畋于近郊幸沙臺丙寅契

丹使通事劉允來庚午括借民粟五代史冬十月戊申制以吳國夫人馮氏

為皇后仍令所司擇日備禮册命庚戌封皇第十一妹
為嘉興長公主第十二妹為永泰長公主是夕五更有

彗見于東方在角旬日而滅壬子以權知延州軍州事
前鳳州防禦使杜威為延州留後甲寅以國子祭酒兼

戶部侍郎田敏充宏文館學士判館事以吏部侍郎張
昭遠充史館脩撰判館事以給事中司徒謝充集賢殿

學士判院事西京奏百姓馬知饒殺男吳九不死以其
侵母食也詔赦之甲子以前延州節度使何建為涇州

節度使丙寅以涇州節度使王周為陝州節度使己巳
以左散騎常侍權知開封府事邊蔚為工部侍郎依前

知府事壬申以前兵部侍郎李玘為吏部侍郎癸酉命
使攝太尉右僕射平章事和凝使副攝司徒給事中邊

光範追册故魏國夫人張氏為皇后奉十一月己卯董
寶册至西莊影殿行禮鹵簿儀仗如式

殷使于契丹甲申幸八角閱馬牧乙未契丹使梅里來

戊戌齊州刺史楊承祚奔于青州辛丑高麗使其廣評

侍郎金仁逢來五代史十一月丁丑以鄧州節度使宋

建爲鄧州節度使已卯以前鄴都留守廣晉尹李德珣

爲涇州節度使丙申所司奏議故天下兵馬都元帥吳

越國王錢元瓘諡曰莊穆詔改爲文穆戊戌遣前復州

防禦使吳繼權知貝州軍事詔節度使王令溫赴闕庚

子單州軍事判官趙岳奏刺史楊承祚初夜開門出城

稱爲母病往青州寧親于孔目官齊琪處留下牌印臣

已行用權知州事辛丑高麗遣使朝貢昭化軍節度使

瑞慎等州觀察等使杜建徽進封鄖國公遣侍衛步軍

都指揮使郭謹十二月癸丑給事中邊光範登州刺史

領兵赴鄆州

郭彥威使于契丹甲寅高麗使太相來平盧軍節度使

楊光遠反淄州刺史翟進宗死之五代史十二月乙巳朔遣左領軍衛將軍

蔡行過押兵士屯于鄆州仍遣供奉官殿直二十六人
自河陰至海口分擘地分巡檢以青州節度使楊光遠
謀叛故也庚戌前左御正齊國夫人吳氏已降二十一
人並封郡國夫人太后宮皇后宮知客夫人等亦如之
太子太保致仕梁文矩卒贈太子太傅癸丑詔河陽節
度使符彥卿宋州節度使高行周貝州節度使王令溫
同州節度使李承福陳州梁漢瑋亳州李蕝懷州薛懷
讓並赴闕分命使臣諸州郡巡檢以契丹入寇故也遣
給事中邊光範前登州刺史郭彥威使于契丹行至恒
州敵已犯境不能進留于公館數月不達其命而回甲
寅以單州刺史楊承祚爲登州刺史丑臘車駕不出詔前陝
府奏逃戶凡一萬二千三百乙丑臘車駕不出詔前陝
州節度使石贊率諸節度使畋于近郊太子賓客薛延
祚卒丁卯詔宣徽使劉繼勳就杜威園亭會節度使統
軍等習射淄州奏青州節度使楊光遠反遣兵士取淄
州刺史翟進宗入青州是冬大飢河南諸州餓死者二
萬六千餘口太平御覽五代史晉史曰澤州奏前刺
史史彥韜離州爲軍民遮圍不放出城兼截下馬鏝其
史彥韜經三日後夜開城門赴闕有食之十一月青州
月乙丑帝還東京四月戊申朔日有食之十一月青州

楊光遠叛附于契丹契丹入寇大饑

開運元年春正月甲戌朔契丹寇滄州己卯陷貝州庚

辰歸德軍節度使高行周爲北面行營都部署契丹入

鴈門寇代州辛巳殿直王班使于契丹至于鄴都不得

進而復

原注晉自高祖以父事契丹甚謹而歲時遣使舊史實錄皆不書至出帝立使者旁午不絕不可勝數故其官卑者皆略而不書班以不得進故書大饑壬午前靜難軍節度使

李周留守東京景延廣爲御營使乙酉北征丙戌契丹

寇黎陽辛卯講武于澶州契丹屯于元城趙延壽寇南

樂甲午劉知遠爲幽州道行營招討使括馬

五代會要晉天福九

年正月發使于諸道州府括取公私之馬時契丹入寇上駐軍澶州以禦之故降是命

丙申契丹

寇黎陽辛丑劉知遠及契丹偉王戰于秀容敗之博州

刺史周儒叛降于契丹

五代史開運元年春正月甲戌朔是夕陣雲掩北斗之魁星乙

亥滄恒貝鄴馳告契丹前鋒趙延壽趙延昭引五萬騎入寇將及甘陵青州楊光遠召之也已卯契丹陷貝州知州吳繼死之庚辰以宋州節度使高行周爲北面行營都部署以河陽節度使符彥卿爲馬軍左廂排陣使以右神武統軍皇甫遇爲馬軍右廂排陣使以陝州節度使王周爲步軍左廂排陣使以左羽林統軍潘瓌爲步軍右廂排陣使太原奏契丹入鴈門圍忻代二州恒滄邢三州上言契丹大至是歲天下餓死者數十萬人詔逐處長吏瘞之壬午詔取此月十三日車駕北征以前邠州節度使李周爲權東京留守乙酉車駕發東京丁亥敵騎至黎陽以侍衛馬軍都指揮使李守貞爲前軍都虞候河北危蹙諸州求救者人使相望戊子車駕至澶州以貝州節度使王令溫爲鄧州節度使時令溫弟令崇自契丹至訴以舉族陷于甘陵故有是命辛卯鄴都留守張從恩遣人夜縋城間行奏契丹王以鐵騎三四萬建牙帳于元城以趙延壽爲魏博節度使改封

魏王延壽日率騎軍摩壘而退甲午以北京留守劉知遠爲幽州道行營招討使以恒州節度使杜威副之定州節度使馬全節爲都虞候其職員將校委招討使便宜署置乙未大霧中有白虹相偶占者曰斯爲海淫其下必將有戰詔率天下公私之馬以資騎軍丙申契丹攻黎陽遣右武衛上將軍張彥澤等率勁騎三千以禦之己亥遣譯語官孟守忠致書于契丹主求脩舊好守忠自敵帳迴契丹主復書曰已成之勢不可改也辛丑太原奏與契丹戰于秀容斬首三千級生擒五百人獲敵將一十七人賊軍散入鶚鳴谷已進軍追襲二月戊申前軍都虞候李守貞及契丹戰于馬家渡敗之癸丑北面行營都虞候馬全節及契丹戰于北平敗之

五代史二月甲辰朔遣石贊守麻家口何建守楊劉鎮白再榮守馬家渡安彥威守河陽鄆州奏博州刺史周儒以城降契丹又與楊光遠潛約光遠引契丹于馬家渡濟河時郭謹在汶陽遣左武衛將軍蔡行遇率數百騎赴之遇伏兵于葭葦中突然而出轉鬪數合部下皆遁行遇爲賊所執鋒鏑重傷不能乘馬坐畚中昇至幕

帳遣李守貞等水陸進兵而下以救汶陽丙午先鋒指
揮使石公霸與契丹遇于賊城之北爲契丹所圍高行
周符彥卿方息于林下聞賊至駭愕督軍而進契丹衆
甚盛被圍數重遣人馳告景延廣請益師延廣遲留候
帝進止行周等太譟瞋目奮擊賊衆傷死者甚多帝自
御親兵救之方解登賊城古臺置酒以勞三將咸咎延
廣不遣兵赴難相對泣下戊申契丹築壘于馬家渡東
岸以騎軍列于外以禦王師李守貞以師搏之遂破其
衆賊騎散走赴河溺死者數千遂拔其壘初西岸敵軍
數萬鼓譟揚旗以助其勢及見東岸兵敗號哭而去獲
馬百匹生擒賊將七十八人部衆五百人送行在悉斬
之辛亥夏州節度使李彝殷合蕃漢之兵四萬抵麟州
濟河侵契丹之境以牽脅之王子以彝殷爲契丹西南
面招討使易州刺史安審約奏戰契丹于北平賊退保
祁溝關斷其橋梁而還癸丑博州殘兵至自賊中周儒
之降也賊執其軍士將獻于幕帳行次中途守者夜寢
其中軍士一人自解桎梏爲諸兵釋縛取賊戈矛盡殺
援者二百餘人南走而歸至河無舟浮水而過溺死之
餘所存者六十七人是日日有黃白虹二白虹夾日而
行已未滄州奏賊衆三千人援送所掠人口寶貨等由

長蘆入蕃以輕騎邀之斬獲千餘人人口輜重悉委之
而走庚申宰臣馮道等再上表請聽樂皆不允時帝自
期年之後于宮中問舉細聲女樂及親征以來日于左
右召淺蕃軍校奏三絃胡琴和以羌笛擊節鳴鼓更舞
迭歌以爲娛樂常謂侍臣曰此非音樂也故馮道等奏
請舉樂詔旨未允而止壬戌楊光遠率兵圍冀州刺史
李瓊以州兵擊之棄營而遁冀州奏敗賊軍于城下見
昇棺者訊其降者曰戚城之戰上將金頭王中流矢而
死此其櫬也癸亥以前鄧州節度使何建爲東南面三
馬步軍都部署率師屯汝陽甲子蜀人寇我階州

月癸酉朔及契丹戰于戚城契丹去

原注戰而兩各傷失收兵徐去晉不

能追故以自去爲文

己丑冀州刺史白從暉及契丹戰于衡水敗

之癸巳籍民爲武定軍

五代史三月癸酉朔契丹主領兵十餘萬來戰時契丹僞棄元

城寨已旬日矣伏精騎于頓邱故城以待王師設伏累
日人馬饑頓趙延壽謀曰晉軍悉在河上畏我鋒銳不
敢前進不如徑造城下四面而進攻奪其橋梁天下定
矣契丹主然之是日前軍高行周在戚城之南賊將趙

延壽趙延昭以數萬騎出王師之西契丹主自擁精騎
出王師之東兩軍接戰交相勝負至晡時契丹主以勁
兵中央出而來帝御親軍列爲後陣東西濟河爲偃月
之勢旗幟鮮盛士馬嚴整契丹主望之謂左右曰楊光
遠言晉朝兵馬半已餓死今日觀之何其壯耶敵騎往
來馳突王師植立不動萬弩齊發飛矢蔽空賊軍稍却
會有亡者告契丹主曰南軍東面人少沿河城柵不固
可以攻之契丹乃率精騎以攻東邊王師敗走敵騎追
之時有夾馬軍士千餘人在隄間治水寨旗幟之末出
于堰埭敵望見之以爲伏兵所起追騎乃止久之復戰
王師又退李守超以數百騎短兵直進擊之敵稍却戰
場之地人馬死者無算斷箭殘鏃橫厚數寸遇夜賊擊
鉦抽軍而退夜行三十里而舍焉護聖指揮使安重懷
入賊中夷其族護聖第二軍都指揮使安重懷指揮使
烏韓七監軍何彥超等臨陣畏怯手失兵仗悉斬之乙
亥契丹主帳內小校竊其主所乘馬來奔云契丹已傳
木書收軍北去齊州奏青州賊軍寇明水鎮壬午禮部
尙書盧詹卒贈太子少保甲申契丹車帳已過貝州以
趙延昭守貝州辛卯定州馬全節攻泰州拔之俘其兵
士二十人雜畜戎仗稱是癸巳北京留守兼中書令劉

知遠封太原王餘如故是日詔天下抽點鄉兵凡七戶
出一士六戶資之仍自具兵仗以武定爲號太常丞王
緒棄市緒家于青州常致書于楊光遠緒有妾之兄憐
緒不爲嗣給遂告與光遠連謀密書述朝廷機事遂收
捕斬之五代會要開運元年三月命諸道府州縣點
集鄉兵率以稅戶七家共出一卒兵仗器械共力營之
至五月勅諸道新點夏四月契丹陷德州沿河巡檢使
鄉兵宜以武定爲名梁進敗之取德州甲寅至自澶州
赦京師已未馬全節及契丹戰于定豐敗之辛酉率借民財
五代史夏四月州奏契丹陷德州刺史尹居璠爲敵所執
甲辰鄴都留守張從恩來朝丁未加從恩平章事還鄴已酉詔取今
月八日車駕還京令高行周王周留鎮澶淵近地兵馬
委便宜制置甲寅至自澶州曲赦京城大辟以下罪人
丁巳升冀州爲防禦使額同華奏人民相食已未以右
武衛上將軍張彥澤爲右神武統軍辛酉以鄆州節度
使侍衛親軍都指揮使景延廣爲西京留守以宋州節
度使高行周爲侍衛親軍都指揮使以侍衛親軍都虞

侯義成軍節度使李守貞爲兗州節度使典軍如故是日分命文武臣寮三十六人往諸道州府括率錢帛以資軍用癸亥以西京留守安彥威爲晉昌軍節度使以晉昌軍節度使趙瑩爲華州節度使以左龍武統軍皇甫遇爲滑州節度使是日置酒宮中召景延廣謂之曰卿有佐命之功命保釐伊洛非酬勲之地也因解御衣寶帶以賜之丙寅隴州五月戊寅李守貞討楊光遠丁奏餓死者五萬六千口

亥鄴都留守張從恩爲貝州行營都部署辛卯李守貞

爲青州行營都部署

五代史五月壬申朔太原劉知遠奏邊境未寧軍用甚廣所封王爵

乞未行冊命戊寅遣侍衛親軍都虞候李守貞率步騎二萬討楊光遠于青州丁亥以鄴都留守張從恩爲貝州行營都部署以滑州節度使皇甫遇爲行營都虞候以左神武統軍潘瑒掌騎兵右神武統軍張彥澤掌步兵辛卯張從恩奏貝州賊將趙延昭縱火大掠棄城而遁以李守貞爲青州行營都部署以河陽節度使符彥卿副之戊戌以鄧州節度使何建爲貝州永清六月克軍節度使是月澤潞上言餓死者凡五千餘人

淄州丙午復置樞密使丁未侍中桑維翰爲中書令充

樞密使丙辰河決滑州環梁山入于汶濟五代史六月辛丑朔王師

拔淄州斬楊光遠僞署刺史劉翰辛卯以太尉兼侍中

馮道爲檢校太師兼侍中充同州節度使丙午詔復置

樞密院丁未以侍中桑維翰爲中書令充樞密使權開

封府尹李周卒輟朝贈太師辛亥以邢州節度使安叔

千爲晉州節度使加同平章事以晉州節度使宋彥筠

爲陝州節度使以吏部郎中李穀充樞密直學士丙辰

滑州河決漂注曹單濮鄆等州之境環梁山合于汶濟

戊午升府州爲團練使額庚申襄州獻白鵲甲子復置

翰林學士乙丑宰臣等三上表請聽樂詔允之戊辰以

門下侍郎王松爲左丞以右丞王易簡爲吏部侍郎以

右散騎常侍蕭愿爲祕書監以右諫議大夫王仁裕爲

給事中以給事中李式爲左散騎常侍以金部郎中知

制誥徐台符爲翰林學士以禮部郎中李潛本官知制

誥充翰林學士以刑部郎中劉溫叟改都官郎中充翰

林學士以主客員外郎范質充翰林學士御史張宜改

倉部員外郎知制誥庚午以前晉州節度使周密爲左

龍武統軍以同州節度使李懷忠爲左羽林統軍
五代
代會要開運元年詔依舊置翰林學士院其中書舍人
公事准舊
日施行
秋七月辛未朔大赦改元己丑太子太傅劉

昫守司空兼門下侍郎同中書門下平章事

五代史開
運元年秋

七月辛未朔帝御崇元殿大赦天下改天福九年爲開
運元年河北諸州曾經契丹蹂踐處與免今年秋稅諸
軍將士等第各賜優給諸州率借錢帛赦書到日畫時
罷徵出一千貫已上者與免科徭一萬貫已上者與授
本州上佐云是日宣赦未畢會大雷雨忽遽而罷時都
下震死者數百人明德門內震落石龍之首識者以爲
石乃國姓蓋不祥之甚也癸酉以定州節度使馬全節
爲鄴都留守加兼侍中以昭義節度使安審暉爲邢州
節度使加檢校太師乙亥前陝州節度使王周加檢校
太尉改定州節度使鄴都留守張從恩改鄆州節度使
禮官奏天子三年喪畢祫享于太廟高祖聖文章武明
德孝皇帝今年八月喪終畢合以十月行大祫之禮冬
季祠祭改薦爲祫從之丁丑虞部員外郎知制誥陶穀
改倉部郎中知制誥大理卿吳德謙改祕書監致仕辛

已以左龍武統軍李從敏爲潞州節度使天策府都護
軍桂州節度使知朗州軍事馬希杲加檢校太師壬午
降金州爲防禦州降萊州爲刺史州戶部侍郎田敏改
兵部侍郎刑部侍郎李祥改尚書右丞以潁州團練使
馮玉爲戶部侍郎充端明殿學士中書舍人趙上交改
刑部侍郎已丑以樞密使中書令桑維翰充宏文館大
學士太子太傅譙國公劉昫爲守司空兼門下侍郎平
章事監修國史判三司宰臣李崧和凝進封爵邑庚寅
宣徽北院使劉繼勳改宣徽南院使三司使董遇改宣
徽北院使辛卯以前陝州節度使石贊爲鄧州節度使
同州節度使李承福卒贈太傅冊府元龜八月辛丑
少帝開運元年七月辛未朔帝御崇元殿

朔劉知遠爲北面行營都統順德軍節度使杜威爲都

招討使戊辰旌表陳州項城民史仁詡門閭五代史八月辛丑命

十五將以禦契丹北京留守劉知遠充北面行營都統
鎮州節度使杜威充北面行營都招討使鄆州節度使
張從恩充馬步軍都監西京留守景延廣充馬步軍都
排陣使徐州節度使趙在禮充馬步軍都虞候晉州節

度使安叔千充馬步軍左廂排陣使前兗州節度使安
審信充馬步軍右廂排陣使河中節度使安審琦充馬
步軍都指揮使河陽節度使符彥卿充馬軍左廂都指
揮使滑州節度使皇甫遇充馬軍右廂都指揮使右神
武統軍張彥澤充馬軍排陣使滄州節度使王廷允充
步軍左廂都指揮使陝州節度使宋彥筠充步軍右廂
都指揮使前金州節度使田武充步軍左廂排陣使左
神武統軍潘瓌充步軍右廂排陣使壬寅閩王王延義
爲其下連重遇朱文進所害衆推文進知留後事稱天
福年號間道以聞甲辰太子少傅盧文紀改太子太傅
太子少保李麟改太子太保刑部尚書李澤改戶部尚
書給事中司徒詔改右散騎常侍以府州刺史折從阮
爲安北都護充振武節度使是夜熒惑入南斗乙巳詔
復置明經童子二科己酉以鄧州節度使王令溫爲延
州節度使癸丑以威武軍兵馬留後權知閩國事朱文
進爲檢校太傅福州威武軍節度使知閩國事癸亥升
澶州爲節鎮以鎮寧爲軍額割濮州爲屬郡甲子以延
州節度使史威爲澶州節度使冊府元龜晉少帝開
運元年八月制曰宣王講武逐獫狁于太原漢帝出師
走匈奴于瀚海是知蠻夷猾夏不能絕之于古今戎狄

無厭不能拘之以信義先皇帝昔當草昧方在龍潛未
登鄧邑之壇始有晉陽之難契丹王徑驅蕃部直抵并
郊遂解重圍助成大統我之興也彼有力焉于是邀之
以鬼神申之以盟誓載諸簡冊傳厥子孫爾後常念前
因每思厚報減宮闈之服玩罄府藏之珠珍供億無時
道途相望而契丹貪殘滋甚驕縱異常通使命于江淮
徵貢輸于郡國苞藏既久姦譎漸萌既而與議誼講羣
情憤激軍民扼腕中外同辭請興貔虎之師以退豺狼
之患先皇帝重其信誓篤以初終降萬乘之尊禮不義
之虜耗中原之力奉無己之求迨予纘受丕圖虔承顧
命每欲息民繼好敢忘屈己從人所以厚禮卑辭以隆
其意推心置腹以示其誠其如鴆毒潛深獸心難革乘
我歉歲伐子大喪平視中原竊窺神器朕實不德民罹
其殃愧悼增深寤寐興歎向者躬提黃鉞親指靈旗駐
于甘泉自春徂夏賴祖宗垂慶天地儲休猛將如雲謀
臣若雨士百其勇人一其心寸鏃不遺狂戎自潰氛霾
少息師旅凱旋今則漸入秋深慮爲邊患朕以志平寇
難不敢荒寧將期親率全師恭行天討庶幾一舉永靜
三邊罔辭櫛沐之勞用拯生靈之患得不精求將帥慎
東偏裨冀成破竹之功以殄折膠之寇爰于剛日乃降

命書順國軍節度鎮深趙等州觀察處置幽州道行營
副招討等使特進檢校太師兼中書令行真定尹駙馬
都尉杜重威地居戚里神授戎韜久服金革之勞累濟
艱難之運虎牢晝閉一麾而螫賊自消河朔未寧再駕
而氛妖繼息戡定之業溢于鼎鐘天平軍節度鄆齊棣
等州觀察處置兼管內河隄等使光祿大夫簡較太尉
平章事張從恩清明可鑑忠正無邪夙懷刺虎之謀早
列濯龍之籍當襄陽之役克成監護之勲及北虜之來
實賴藩籬之固器業之用可謂縱橫西京留守起復簡
較太尉兼侍中行河南尹景延廣文武全才雲龍際會
指經綸于掌內藏甲馬于胸中久權七萃之師繼委十
連之帥軍民畏服畿甸肅清左右之勞書于盟府武庫
軍節度徐宿等州觀察處置等使開府儀同三司簡較
太師兼侍中趙在禮河嶽鍾靈松筠植性授王鈐之祕
略得金版之沈機輔翼數朝周旋重鎮述職而必先九
牧事君而惟盡一心尊獎之功光乎史冊建雄軍節度
晉慈隰等州觀察處置等使特進簡較太師平章事安
叔千衆推武庫素曉陣圖疾惡如仇見義思勇觴酒豆
肉無虧撫士之心尺籍伍符盡得總戎之訣軍旅之任
實契僉諧前泰寧軍節度充沂密等州觀察處置等使

特進簡較太師平章事安審信人處腹心早攀麟翼偶
儻乃萬夫之長驍雄真六郡之豪薦領虎頭咸仰將軍
之相牙璋犀節累持方伯之權英特之名播于中外河
中護國軍節度管內觀察處置等使開府儀同三司簡
較太師平章事安審琦嚴明無翳寬簡自居善知奇正
之謀備熟孤虛之法首赴風雲之會昔同帶礪之盟累
殿藩垣常堅夾輔連帥之重倚若長城河陽三城節度
孟懷等州觀察處置管內河隄等使青州行營副都部
署特進簡較太師符彥卿惟爾先臣實爲名將世襲弓
裘之慶門傳忠孝之規西漢三雄徒稱傑出東京七校
乃爲時生竭盡之心貫于金石義成軍節度滑濮等州
觀察處置管內河隄等使北面行營馬步都虞候開府
儀同三司簡較太師皇甫遇効敵萬人之力摧九虎赤羽
若日蒲大夫之英風快馬如龍曹景宗之意氣繼承重
寄必竭純誠義烈之稱播于寰海北面行營馬步都排
陣使兼馬軍都指揮使特進簡較太保右神武統軍張
彥澤猛若關張氣吞荆蕞游腐委寄每著勤勞鳴鏑離
弦旣得吟猿之妙青萍出匣久彰斷兕之名營陣之間
皆推果毅橫海軍節度滄景德等州觀察處置管內河
隄等使幽州道行營右廂排陣使特進簡較太師王廷

允鬼谷傳書神龜授印委鎮臨于滄海賴控扼于邊陲
繕甲治兵暗蓄摧兇之計深溝高壘不移持重之心捍
禦之謀斷于胷臆保義軍節度陝虢等州觀察處置等
使特進簡較太尉宋彥筠威惠兼著膽氣無儔累佐戎
權善貞師律千軍萬馬憚陳慶之虛名三令五申得孫
武之戰術將帥之選皆謂當仁前懷德軍節度管內觀
察處置等使光祿大夫檢校太傅田武早從戎伍備歷
艱難安邊展頗牧之才制勝合韓英之法向者仗其舊
德委以邊藩頗資外禦之功實有分憂之績忠貞之節
雅叶東求北面行營步軍都排陣使兼步軍都指揮使
特進簡較太保左神武統軍潘瓌幕府書勲師干著効
攻城野戰獨麾鄭國之旗陷陣先登幾獲魚門之胄泊
升環衛彌見公忠兵革之時所宜登用而皆位崇侯伯
任重土茅俱爲社稷之臣悉是棟梁之具或推忠徇義
或報國忘家常堅翼戴之心夙蘊澄清之志朕所以告
于宗廟質以著龜授之以征輦付之以蕭鈇但以狂戎
侵掠生聚虔劉既貽中國之羞抑亦人臣之恥爾等上
則受先王顧托輔子冲人次則副朝廷倚毘委之重任
所宜同德比義戮力齊心各竭乃誠共安國步功業可
以不朽富貴可以無窮況今芻粟俱充士卒咸憤旌旗

萬隊甲馬千羣呼吸則山嶽蕩搖號令則乾坤震動以此制敵何敵不摧以此圖城何城不克矧期獻俘清廟懸首素旂同集大功永清四海於戲周王任吉甫南仲乃惜戎夷漢帝任去病衛青遂空沙漠今吾命帥皆謂得人勉立異勲速平多難無令數子獨擅前功凡我股肱當體朕意杜重威充都招討使張從恩充兵馬都監景延廣充馬步軍都排陣使趙在禮充馬步軍都虞候安叔千充馬步軍左排陣使安審信充馬步軍右排陣使安審琦充馬步軍都指揮使符彥卿充馬步軍左都指揮使皇甫遇充馬步軍右都指揮使張彥澤充馬步軍排陣使王廷充步軍左都指揮使宋彥筠充步軍右都指揮使田武充步軍左廂排陣使潘瓌充步軍右廂排陣使源漢高祖魏太使留守魏魏九月丙子契丹寇遂城樂壽代州刺史

白文珂及契丹戰于七里烽敗之

五代史九月庚午朔日有食之乙酉戶部

侍郎韋勲為太子賓客以前棣州刺史段希堯為戶部侍郎以光祿卿張仁愿為大理卿已丑禮部侍郎符蒙卒壬辰太原奏代州刺史白文珂破契丹于七里烽斬首千餘級生擒將校七十餘人癸巳以前隴州防禦使

翟光鄴爲宣徽北院使已亥以滄州節度使王廷允卒
輟朝贈中書令 又白文珂字德溫太原人也曾祖辯
父君成遼州刺史文珂初事後唐武皇補河東牙將改
遼州副使莊宗嗣位轉振武都指揮使天成中鎮州節
度使王建立表爲本州馬步軍都指揮使遙授舒州刺
史檢校司空歷青州魏府都指揮使歷瀛蔚忻代四州
刺史領代州日兼蕃漢馬步都部署漢高祖鎮并門表
爲副留守檢校太保漢國初建授河中節度使西南面
招討使檢校太傅漢祖定兩京改天平軍節度使加同
平章事未幾鎮陝州檢校太師會河中李守貞叛詔充
河中府行營都部署時文珂已老朝議恐非守貞之敵
乃命太祖西征河中平文珂授西京留守河南尹太祖
踐阼加兼中書令頃之以太子太師致仕世宗卽位封
晉國公顯德元年卒于西京年七十九輟視朝一日子
廷誨仕皇朝歷冬十月庚戌武寧軍節度使趙在禮爲
諸衛將軍卒

北面行營副都統鄴都留守馬全節爲副招討使 五代

十月壬寅兩浙節度使吳越國王錢宏佐加守太尉庚
戌以徐州節度使北面行營馬步都虞候趙在禮爲北

面行營副都統郭都留守馬全節爲北面行營副招討使甲寅以起居郎知制誥賈緯爲戶部郎中知制誥戊午詔曰朕虔承顧命獲嗣丕基常懼顛危不克負荷省分日昃罔敢怠寧夕惕晨興與每懷祗畏但以恩信未著德教未敷理道不明咎徵斯至向者頻年災沴稼穡不登萬姓飢荒道殣相望上天垂譴涼德所招仍屬干戈尙興邊陲多事倉廩不足則輟人之餽食帑藏不足則假率人之資財兵士不足則取人之丁中戰騎不足則假人之乘馬雖事不獲已而理將若何訪聞差去使臣殊乖體認不能敦于勉諭而乃臨以威刑自有所聞益深愧悼旋屬守臣叛命敵騎入邊致使甲兵不暇休息軍旅有征戰之苦人民有飛輓之勞疲瘵未蘇科徭尙急言念于茲寢食何安得不省過興懷側身罪已載深減損思召和平所宜去無用之資罷不急之務棄華取實惜費省功一則符先帝慈儉之規慕前王朴素之德向者造作軍器破用稍多但取堅剛不須華楚今後作坊製器械不得更用金銀裝飾比于遊畋素非所好凡諸服御尤欲去奢應天下府州不得以珍寶玩好及鷹犬爲貢在昔聖帝明君無非惡衣菲食況于薄德所合恭行今後大官尙膳減去多品衣服帷帳務去華飾在禦

寒溫而已峻宇雕牆昔人所誠王杯象箸前代攸非今
後凡有營繕之處丹堊雕鏤不得過度宮闈之內有非
理費用一切禁止於戲繼聖承祧握樞臨極昧于至道
若履春冰屬以天災流行國步多梗因時致懼引咎推
誠期于將來庶幾有補更賴王公將相貴戚豪宗各啟
乃心率由茲道共臻富庶以致康寧凡百臣寮宜體朕
意十一月壬申詔曰蕃寇未平邊陲多事卽日雖無侵
軼亦須廣設隄防朕將親率虎貔躬環甲冑候聞南牧
卽便北征不須先定日辰別行告諭所有供億宜令三
司預行計度合隨從諸司職員並宜常備行計云己卯
以陳州刺史梁漢璋充侍衛馬軍都指揮使壬午以貝
州節度使何建爲澶州節度使兼北面行營馬軍右廂
排陣使以澶州節度使史威爲貝州節度使兩戍以前
金吾節度使使田武爲滄州節度使兼北面行營步軍右
廂都指揮使以前相州節度使郭謹爲鄆州節度使
冊府元龜邊歸讜初仕晉爲給事中開運三年奏臣近
以宣達絲綸經過州縣切見使臣于券料外別要供待
以紊紀綱亂索人驢自遞行李挾命爲勢凌下作威或
副應稍遲卽便恣行打棒旣遭屈辱寧免怨嗟天聽未
聞無處披訴伏乞潛令察訪兼便明降指揮官吏祗供

亦須精細使臣取索嚴示戒懲庶息煩苛漸期開泰者
勅邊歸讓近會銜命經歷郵亭見使臣踰違以公言上
疏事爲允當理叶規程其諸道州十二月已亥朔射兎
府館驛宜體所奏施行仍付所司
于臯門丁巳楊承勲囚其父光遠以降殺之原注出帝已許其不
死既而命李守貞自殺之故不書伏誅五代史十二
月已亥朔幸臯門射中白兎癸丑福州節度使朱文進
加同平章事封閩國王丁巳青州楊光遠降光遠子承
勲等斬觀察判官邱濤牙將白延祚楊瞻杜延壽等首
級送于招討使李守貞乃縱火大謀劫其父處于私第
以城納款遣卽墨縣令王德柔貢表待罪楊光遠亦遣
節度判官楊麟奉閏月乙酉德音赦青州囚契丹寇恒
表請死詔釋之
州五代史閏月庚午以楊承信爲右羽林將軍承祚爲
官癸酉李守貞奏楊光遠卒初光遠旣上表送降帝以
光遠頃歲太原歸命欲曲全之議者曰豈有反狀滔天
而赦之也乃命守貞便宜處置守貞遣人拉殺之以病
卒聞乙酉前登州刺史張萬迪削奪官爵處斬青州節

度判官楊麟配流威州掌書記任邈配流原州支使徐晏配流武州縱逢恩赦不在放還之限並以楊光遠叛故也工部尙書權知貢舉竇貞固奏試進士諸科舉人入策舊例夜試以三條燭盡爲限天成二年改令晝試今欲依舊夜試從之曲赦青州管內罪人立功將士各賜優給青州吏民爲楊光遠誑誤者一切不問青州行營招討使兗州節度使兼侍衛都虞候李守貞加同平章事副招討使河陽節度使符彥卿改許州節度使丙戌降青州爲防禦使額以萊州刺史楊承勳爲汝州防禦使已丑以工部尙書竇貞固爲禮部尙書太常卿王延爲工部尙書左丞王松爲太常卿以前尙書右丞龍敏爲尙書左丞癸巳以前安州防禦使李建業爲河陽兵馬留後以宣徽使翟光鄴爲青州防禦使以內客省使李彥韜爲宣徽北院使甲午以給事中邊光範爲左散騎常侍以樞密直學士吏部郎中李穀爲給事中依前充職是月契丹耶律德光與趙延壽領全軍入寇圍恒州分兵陷鼓城橐城元氏高邑昭慶寧晉蒲澤樂城柏鄉等縣前鋒至邢州河北諸州告急詔張從恩馬全節安審琦率師屯邢州趙在禮屯鄴都五代春秋甲辰開運元年五月契丹陷貝州乙酉帝北征次瀘州契

丹陷博州三月及契丹戰于戚城師敗績甲寅帝還東
京六月復樞密院河決滑州七月改元八月閩人朱文
進殺其君延義九月庚午朔日有食之十二月丁巳楊
光遠降赦之癸酉誅楊光遠契丹入寇大饑玉堂閒
話開運甲辰歲暮晉帝遣中使至內署宣問諸學士云
朕昨夜夢一玉盤中有一玉碗及一玉帶皆有碾文光
瑩可愛是何徵也宜卽奏來承旨李慎儀與同僚併表
奏賀以爲玉者帝王之寶也帶者有誓功之兆盤孟者
乃守器之象爲吉夢不敢有他占又晉少主之代有
婦人儀狀端嚴衣服鉛粉不下美人而無腿足繇帶已
下如截而齊餘皆具備其父載之于獨車自鄴南遊浚
都乞丐於市日聚千人至于深坊曲巷華屋朱門無所
不至時人嗟異皆擲而施之後京城獲北戎間諜官
司案之乃此婦爲奸人之領袖所聽察甚多遂戮之
二年春正月契丹陷泰州壬子馬全節及契丹戰于榆
林兩軍皆潰戊午幸南莊張從恩留守東都辛酉高行
周爲御營使乙丑北征契丹去

五代史開運二年春正月戊戌朔帝不受朝賀

不豫故也已亥張從恩部領兵士自邢州退至相州人情震恐趙在禮還屯澶州馬全節歸鄴都遣右神武統軍張彥澤屯黎陽詔西京留守景延廣將兵守胡梁渡契丹寇邢州侍衛馬軍都指揮使梁漢璋改鄭州防禦使典軍如故以齊州防禦使劉在明爲相州留後癸卯以客省使孟承誨爲內客省使滑州奏今月二日至四日相州路烽火不至甲辰以前汝州防禦使宋光鄴爲左驍衛大將軍詔青州行營將校自副兵馬使以上各賜功臣名號乙巳帝復常膳以左威衛上將軍袁義爲客省使上將軍如故詔滑州節度使皇甫遇率兵赴邢州馬全節赴相州契丹寇洛磁犯鄴都西北界所在告急壬子王師與契丹相拒于相州北安陽河上皇甫遇慕容彥超率前鋒與敵騎戰于榆林店遇馬中流矢僅而獲免是夜張從恩引軍退保黎陽惟留五百人守安陽河橋旣而知州符彥倫與軍校謀曰此夜紛紜人無固志五百疲兵安能守橋卽抽入相州嬰城爲備至曙賊軍萬餘騎已陣于安陽河北彥倫令城上揚旗鼓譟賊不之測至辰時渡河而南悉陳甲騎于城下如攻城之狀彥倫曰此敵將走矣乃出甲士五百于城北張弓弩以待之契丹果引去當皇甫遇榆林戰時至晚敵衆

自相驚曰晉軍悉至矣契丹在邯鄲聞之卽時北遁官軍亦南保黎陽甲寅以河陽留後李建崇爲邢州留後以鳳州防禦使剛如爲河陽留後詔李守貞領兵屯滑州以宣徽北院使李彥韜權侍衛馬步都虞候改諸道武定軍爲天威軍已未以前許州節度使張從恩權東京留守辛酉襄州奏契丹抽退其鄉村避寇百始已發遣各歸本家營種初帝以不豫初平未任親御軍旅旣而張從恩馬全節相次奏賊軍充斥恒州杜威告事勢危急帝曰此賊未平固難安寢當悉衆一戰以救朔方生靈若晏安遲疑則大河以北淪爲寇壤矣卽日命諸將點閱以定行計辛酉下詔親征誅揚光遠部下指揮使張迴等五人以戎事方興慮其扇搖故也癸亥以樞密直學士李穀爲三司副使判留司三司公事乙丑車駕發離京師是月京城北壕春冰之上有文若二月己巳幸大樹花葉凡數十株宛若圖畫觀者如堵

黎陽橫海軍節度使田武爲東北面行營都部署以備

契丹

原注曰以備契丹嫌契丹已去而命將五代史田武字德偉大名元城人父簡累贈右僕射武少

有拳勇初事莊宗爲小校歷遷勝節指揮使明宗登極
轉帳前都指揮使領澶州刺史天成二年改左羽林都
指揮使遙領宜州充襄州都巡檢使二年自汴州馬步
軍都指揮使授曹州刺史長興初遷齊州防禦使又移
洛州清泰中歷成隴二州充西面行軍副部署天福初
授金州防禦使及金州建節鎮武丁母憂乃起復爲節
度使開運元年移鎮滄州兼北面行營右廂都指揮使
二年授寧江軍節度使充侍衛步軍都指揮使歲內改
昭義軍節度澤潞等州管內觀察處置等使潞州大都
督府長史檢校太傅封雁門郡開國公未赴任以疾卒
武出身戎行性鯁正御軍治民咸盡其善及卒朝廷
惜之詔贈太尉輟視朝一日子仁朗仁遇並歷內職丙
子大閱于戚城丙戌閱馬于鐵邱丙申端明殿學士尙
書戶部侍郎馮玉爲戶部尙書樞密使五代史二月戊
州已巳渡洋橋幸黎陽勞軍至晚還滑州以滄州節度
使田武充東北面行營都部署甲戌幸澶州以景延廣
爲隨駕馬步軍都鈐轄丙子大閱諸軍于戚城帝親臨
之戊寅北面行營副招討使馬全節行營都監李守貞

右神武統軍張彥澤等以前軍先發已卯以許州節度使符彥卿爲北面行營步軍都指揮使辛巳幸楊村故壘符彥卿皇甫遇李殷率諸軍進發以左散騎常侍邊光範爲樞密直學士詔河北諸州應蕃寇經由之地吏民遭殺害者委所在收瘞量事祭奠詔恒州杜威與馬全節等會合進軍丙戌幸鐵邱閱馬因幸趙在禮李從溫軍是日大雪戊子安審琦梁漢璋領兵北征府州防禦使折從阮奏部領兵士攻圍契丹勝州降之見進兵趨朔州甲午以河中節度使安審琦爲北面行營步軍都虞候許州節度使符彥卿充馬步軍右廂都指揮使侍衛馬州節度使皇甫遇充馬步軍右廂都指揮使侍衛步軍都指揮使梁漢璋充馬軍左右廂都指揮使侍衛步軍都指揮使李殷充步軍左右廂都指揮使左神武統軍張彥澤充馬軍左右廂都排陣使右神武統軍潘瓌充步軍左右廂排陣使丙申以端明殿學士尙書戶部侍郎馮玉爲戶部三月戊戌契丹陷祁州刺史沈斌死之尙書充樞密使

丁未畋于戚城庚戌馬全節克泰州辛亥易州戍將孫

方諫及契丹諧里戰于狼山敗之甲寅杜威克滿城乙卯克遂城庚申杜威及契丹戰于陽城敗之追奔至于衛村又敗之五代史三月戊戌契丹陷祁州刺史沈斌死之乙巳左補闕袁範先陷契丹自賊中逃歸杜威奏與李守貞馬全節安審琦皇甫遇部領大軍赴定州易州刺史安審約奏二月三夜差壯丁斫敵營殺賊千餘人是日以符彥卿爲北面行營馬步軍左廂排右廂都排陣使以皇甫遇爲北面行營馬步軍左廂排陣使以王周爲馬步軍右廂排陣使丁未敗于戚城還幸景延廣安審信軍庚戌王師攻秦州刺史晉庭謙以城降易州奏郎山寨將孫方簡破契丹千餘人斬蕃將嘉哩相公擄其妻以獻甲寅杜威奏收復滿城獲契丹首領默埒相公并蕃漢兵士二千人以前戶部尚書李擇爲兵部尚書乙卯杜威奏收復遂城丙辰奏大軍自遂城却退至滿城時賊將趙延壽部曲來降言契丹主昨至古北口幽州走報漢軍大下收却泰州尋下令諸部令輜重入塞輕騎却迴契丹率五萬餘騎來勢極盛明日前鋒必至請爲之備杜威李守貞謀曰我師糧運

不繼深入賊疆而逢大敵亡之道也不如退還泰州觀
其兵勢強弱而禦之軍士皆以爲然是日還滿城丁巳
至泰州戊午契丹前鋒已至巳未大軍發泰州而南契
丹踵其後是日次陽城庚申賊騎如牆而來我步軍爲
方陣以禦之選勁騎擊賊圍二十餘合南行十餘里賊
勢稍却渡白溝而去辛酉杜威召諸將議曰戎首自來
實爲勍敵若不血戰吾輩何以求免諸將然之是日敵
騎還遠官軍相去數里明日我軍成列而行蕃漢轉關
殺聲震地纔行十餘里軍中人馬飢乏癸亥大軍至白
國衛村下營人馬俱渴營中掘井及水輒壞兵士取其
泥絞汁而飲敵衆圍繞漸束其營是日東北風猛揚塵
折樹契丹主坐車中謂衆曰漢軍盡來祇有此耳今日
並可生擒然後平定天下令下馬拔鹿角飛矢雨集軍
士大呼曰招討使何不用軍而令士卒虛死諸將咸請
擊之杜威曰候風勢稍慢觀其進退守貞曰此風助我
也彼衆我寡黑風之內莫測多少若候風止我輩無唯
類矣卽呼諸軍齊力擊賊張彥澤符彥卿皇甫遇等率
騎奮擊風勢尤猛沙塵如夜敵遂大敗時步騎齊進追
襲二十餘里至陽城東賊軍稍稍成列我騎復擊之乃
渡河而去守貞曰今日危急極矣幸諸君奮命吾事獲

濟兩日以來人馬渴乏今喫水之後脚重難行速宜收
軍定州保全而還上策也由是諸將整衆而還是時契
丹主坐車中及敗走車行十餘里追兵既急獲一橐駝
乘之而走乙丑杜威等大軍自定州班師入恒州王
堂閒話乙未歲契丹據河朔晉師拒于澶淵天下騷然
疲于戰伐翰林學士王仁裕奉使馮翔路由于鄭過僕
射陂見州民及軍營婦女填咽于道路皆執錯彩小旗
子挿於陂中不知其數詢其居人皆曰鄭人比家夢李
衛公云請多造旗幟置于陂中我見集得無數兵爲中
原翦除戎寇所乏者旌旗耳是以家別獻此幟幟初未
迴過其陂使僕者下路訪于草際存者尙多夏四月戊
寅勞旋于戚城己卯勞旋于王莽河甲申至自澶州赦
左右軍囚庚寅大賞軍功五代史夏四月丙子以車駕
將還京差官往西京告天地
宗廟社稷辛巳駕發澶州甲申至京師曲赦在京禁囚
已亥詔鄴都依舊爲天雄軍庚寅河東節度使劉知遠
封北平王恒州節度使杜威加守太傅徐州趙在禮移
鎮兗州宋州節度使兼侍衛親軍馬步都指揮使高行

周移鎮鄆州侍衛如故鄴都留守馬全節改天雄軍節
 度使充州節度使兼侍衛親軍副指揮使河中節度使安審琦
 檢校太師兼侍衛許州節度使符彥卿加同平章事
 加兼侍中移鎮徐州節度使皇甫遇加同平章事
 移鎮徐州節度使皇甫遇加同平章事
 留守景延廣加邑封改功臣泰州節度使侯益移鎮河
 中定州節度使王五月丙申朔大赦丙午幸南莊五代
 周加檢校太師五月丙申朔帝御崇元殿受朝大赦天下
 運二年夏五月丙申朔帝御崇元殿受朝大赦天下
 西以右衛上將軍馬萬為左金吾上將軍致仕戊戌陝
 州節度使宋彥筠移鎮鄭州澶州節度使何建移鎮河
 陽以左神武統軍潘瓌為澶州節度使馬軍都指揮使以滄
 李彥韜遙領壽州節度使兼侍衛馬軍都指揮使以滄
 州節度使田武遙領夔州節度使兼侍衛步軍都指揮
 使辛亥白虹貫日壬子宰臣桑維翰劉昫李崧和凝並
 加階爵禮部尚書實貞固改刑部尚書太常寺卿王松
 改工部尚書以尚書左丞龍敏為太常卿以翰林學士
 承旨兵部侍郎李愼儀為尚書左丞以御史中丞張允
 為兵部侍郎知制誥充翰林學士承旨以左諫議大夫
 顏衍為御史中丞以兵部侍郎宏文館學士判館事田

敏爲國子祭酒以戶部侍郎段希堯爲兵部侍郎以工
部侍郎邊蔚爲戶部侍郎依前權知開封府事以左散
騎常侍李式爲工部侍郎以給事中王仁裕爲左散騎
常侍甲寅以華州節度使趙瑩爲開封尹以皇弟開封
尹重睿爲秦州節度使以宣徽南院使劉繼勳爲華州
節度使以前鄆州節度使張從恩爲晉州節度使丙辰
杜威來朝定州奏大風雹北六月丁卯射于繁臺五代
岳廟殿宇樹木悉摧拔之六月丁卯射于繁臺五代
誤六月丁卯射雁于繁臺今按前後文皆幸杜威第旱
作射免此蓋亦免字也射于繁臺今按前後文皆幸杜威第旱
五代史六月乙丑朔帝御崇元殿百官入閣監修國史
劉昫史官張昭遠等以新修唐書紀志列傳并目錄凡
二百三卷上之賜器帛有差癸酉以恒州節度使杜威
爲天雄軍節度使充鄴都留守以鄴都留守馬全節爲
恒州節度使以翰林學士金部郎中知制誥徐台符爲
中書舍人以翰林學士禮部郎中知制誥李潛爲中書
舍人翰林學士都官郎中劉溫叟加知制誥翰林學士
主客員外郎范質改比部郎中知制誥並依舊充職祠
部員外郎知制誥張沆本官充學士以太常少卿陶穀
爲中書舍人已亥以邠州節度使劉景巖爲陝州節度

使已卯新授恒州節度使馬全節卒輟朝贈中書令王
午大理卿張仁愿卒贈祕書監遺刑部尚書竇貞固等
分詣寺觀禱雨已丑以定州節度使王周為恒州節度
使以前易州刺史安審約為定州留後是月兩京及州
郡十五並奏旱史五代會要開運二年六月史館上新
脩前朝李氏書紀志列傳共二百二十卷并目錄一卷
都計二十帙賜監脩宰臣劉昫脩史官張昭遠直館王
申等繪綵銀器各有差玉海唐書中興書目五代晉
宰相劉昫史官張昭遠等撰唐三百年間國史野錄參
錯不一至昫刪集為紀二十志五十列傳一百五十凡
二百二十卷開運二年秋五代史秋七月乙未朔以侍衛
年六月上計二十帙秋步軍都指揮使領夔州節度使
田武為昭義軍節度使甲寅左諫議大夫李元龜奏請
禁止天下僧尼典買院舍從之丙辰前少府監李錯貶
坊州司戶坐冒請逃死吏人衣糧入已故也庚申以前
齊州防禦使薛可言為延州兵馬留後五代會要開
運二年七月左諫議大夫李元龜奏天下寺宇房屋八
近日多聞元住僧轉與相典貼伏乞明行止絕從之
月甲子朔廢二舞丙寅和凝罷馮玉為中書侍郎同中

書門下平章事辛未閱馬于茂澤陂丁丑括馬

五代史

子朔日有食之中書舍人陶穀奏請權廢太常寺二舞

郎從之丙寅宰臣和凝罷相守右僕射以樞密使馮玉

為中書侍郎平章事使如故乙亥詔諸御史今後除準

式請假外不得以細故小事請假離京除奉制命差推

事及按察外不得以諸雜細務差出丙子以靈州節度

使馮暉為邠州節度使加檢校太尉以前邠州節度使

丁審琪為左羽林統軍以前邠州節度使郭謹為左神

武統軍西京留司御史臺奏新授鄧州節度使宋彥筠

于銀沙灘斬廳頭鄭溫詔鞫之欵云彥筠出身軍旅不

知事體不合專擅行法詔釋其罪以工部尚書王松權

知貢舉丁丑以前晉州節度使安叔千為右金吾上將

軍以三司副使給事中李穀為磁州刺史充北面水陸

轉運使分遣使臣于諸道率馬戍寅以左金吾上將武

皇甫立為左衛上將軍以右羽林統軍李懷忠為左武

衛上將軍庚辰新授潞州節度使田武卒輟朝九月已

贈太尉戊子湖南奏靜江軍節度使馬希杲卒九月已

亥閱馬于萬龍岡幸李守貞第五代史京留守北面馬步軍都

排陣使景延廣為北面行營副招討使丁酉以刑部侍郎趙遠為戶部侍郎以工部侍郎李式為刑部侍郎以中書舍人盧價為工部侍郎價久次綸閣舊例合轉禮部侍郎或御史中丞宰臣馮玉擬此官桑維翰以為資望淺不署狀無何維翰休沐數日王獨奏行之維翰由是不樂與王有問矣已亥幸繁臺觀馬遂幸李守貞第庚子以晉州節度使張從恩為潞州節度使吏部侍郎張從恩加階爵酬脩唐史之勞也戊申升曹州為節鎮以威信軍為軍額詔李守貞率兵屯澶州已酉月掩昴宿以宣徽北院使焦繼勳為宣徽南院使以內客省使孟承誨為宣徽北院使壬子以前太子詹事王居敏為鴻臚卿李專美為大理卿以太子賓客致仕馬裔孫為太子詹事甲寅移泰州理所于滿城縣乙冬十月丁丑卯詔相州節度使張彥澤率兵屯恒州

高麗使其廣評侍郎韓元珪禮賓卿金廉等來戊寅射

兔于硯臺戊子高麗使其兵部侍郎劉崇規內軍卿朴

藝言來

五代史冬十月戊寅以河陽節度使李從溫為河陽節度使以許州節度使李從溫為河陽節度使

使以前鄭州節度使石贊為曹州節度使庚午遣使太
子賓客羅周岳使副太子右庶子王延濟冊兩浙節度
使錢宏佐為守太尉辛未右金吾衛上將軍楊彥詢卒
贈太子太師丁丑高麗遣使貢方物庚辰以前延州節
度使王令溫為靈州節度使庚寅以邢州兵馬留後劉
在明為晉州兵馬留後以前河陽留後方太為邢州留
後癸巳升陳州為節十一月戊戌封王武為高麗國王
鎮以鎮安軍為軍額
已巳射兔于臯門幸沙臺五代史十一月戊戌以邠州節度使馮暉兼侍衛步軍都
指揮使充北面行營先鋒馬步軍都指揮使以權知高
麗國事王武為檢校太保使持節元菟州都督充大義
軍使封高麗國王癸卯日南至帝御崇元殿受朝賀戊
申兩浙奏順化軍節度使錢鐸卒甲申以壽州節度使
侍衛馬軍都指揮使李彥韜為陳州節度使典軍如故
丙申前商州刺史李俊除名坐受財枉法也五代會
要開運二年十一月鄧州奏穰縣和平鄉竹合歡圖進
之至三年六月登州文登縣地內踴出金銅佛像四萬
十佛像十二月丁丑臘畋于郊丁亥桑維翰罷開封尹趙

瑩為中書令李崧守侍中樞密使

五代史十十二月乙丑

國王錢宏佐兼東南面兵馬都元帥丙寅以吳越國金馬左廂都指揮使湖州刺史胡思進遙領虔州昭信軍節度使以吳越國金馬右廂都指揮使明州刺史闕璠遙領宣州寧國軍節度使並典軍如故左羽林統軍丁審琪卒贈太尉辛未以工部侍郎盧價為禮部侍郎以右散騎常侍集賢殿學士判院事司徒謝為工部侍郎以前充職以前中書舍人殷鵬為給事中充樞密直學士以給事中劉知新為右散騎常侍乙亥陝府節度使劉景巖來朝丁丑狩于近郊臘也己卯光祿卿致仕陳元卒于太原庚辰命使冊高麗國王王武癸未以前充州節度使安審信為華州節度使丁亥以樞密使中書令桑維翰為開封尹以司空門下侍郎平章事劉昫判三司以左僕射門下侍郎平章事李崧為守侍中充樞密使以開封尹趙瑩為中書令宏文館大學士以宣徽南院使焦繼勳知陝州軍州事己丑邠州節度使馮暉準詔來朝是歲帝每遇四方進獻器皿多以銀于外府易金而入謂左右曰金者貴而且輕便于人力識者以為北遷之兆也

契丹敗績四月甲申帝還東京八月甲子朔日有食之

三年春

五代史開運三年春正月癸巳朔帝御崇元殿

御前並以黃金爲之已亥貝州梁漢璋奏蕃寇屯聚將
謀入寇詔符彥卿屯荊州口癸卯以前華州節度使劉
繼勳爲同州節度使以陝州節度使劉景巖爲鄧州節
度使丙午以宣徽南院使知陝州事焦繼勳爲陝州留
後丁未刑部員外王涓賜私家自盡坐私用官錢經營
求利也右司郎中李知損貶均州司戶員外置馳驛發
遣坐前任度支判官日與解縣權鹽使王景遇交遊借
貸故也已酉詔侍衛親軍副都指揮使李守貞率師巡
撫北邊辛亥以皇弟秦州節度使重睿爲許州節度使
以許州節度使安審琦爲兗州節度使以涇州節度使
趙在禮爲晉昌軍節度使癸丑以涇州節度使何建爲
秦州節度使以前貝州節度使史威爲涇州節度使乙
卯定州奏契丹入寇已未二王後守太僕少卿襲鄰國
公楊延壽除名配流威州終身勿齒延壽奉命于磁州

檢苗受贓二百餘匹準律當絞
有司以二王後入議故貸其死
二月丙子回鶻使突厥

陸來壬午射鴨于板橋幸南莊
五代史二月壬戌朔日
有食之詔滑州皇甫遇

率兵援糧入易定等州甲子以
節度使右僕射和凝逐月別給
舊相也辛未魯國大長公主史

祿卿致仕王宏贊卒贈太常卿
州全義縣為溥州仍隸桂州其
湖南馬希範所請也壬午以前

充北面行營副都統以宣徽北
為右武衛大將軍充職是日幸
因幸杜威園醉方歸甲申河陽

贈太師三月壬辰朔以權知河
西留後乙未以御史中丞顏衍
郎趙遠為御史中丞以邠州節

都指揮使馮暉為河陽節度使
為邠州節度使李守貞奏大軍
刺史趙思恭癸卯奏大軍迴至

表以母老乞解官就養從之戊
申以皇子齊州防禦使

延煦爲澶州節度使辛亥密州上言飢民殍者一千五
百庚申以瓜州刺史曹元忠爲沙州留後五代會要
三年三月以皇子延煦遙領鎮寧軍節度澶州觀
察處置管內外河隄等使至其年十一月改領保寧軍
節度陝虢等州夏五代史夏四月辛酉朔李守貞自北
觀察處置等使夏班師到闕太原奏吐渾白可久奔歸
契丹諸侯咸有異志乙未宰臣詣寺觀禱雨曹州奏部
民相次餓死凡三千人時河南河北大飢殍殍甚衆沂
密充鄆寇盜羣起所在屯聚剽劫縣邑吏不能禁充州
節度使安審琦出兵捕逐爲賊所敗戊寅幸相國寺禱
雨皇子延煦與晉昌軍節度使趙在禮結婚命宗正卿
石光贊主之五月庚寅朔以兵部郎中劉皞爲太府卿
戊戌以前同州節度使馮道爲鄧州節度使定州奏部
民相次擄殺流移約五千餘戶青州奏全家殍死者一
百一十二戶沂州奏淮南遣海州刺史領兵一千五百
人應接賊頭常知及詔充州安審琦領兵捕逐甲辰以
前太子賓客韋勳爲太子賓客充州安審琦奏淮賊拙
退賊頭常知及與相次首領武約等並乞歸命辛未幸
大年莊遊船習射帝醉甚賜羣官器帛有差夜分方歸
丙戌申以鄆州留後李殷爲定州節度使辛亥詔皇甫

遇為北面行營都部署張彥澤為副李殷為都監領兵
赴易定等州尋止其行甲寅以貝州留後梁漢璋為貝
州節度使以左神武統
軍郭謹為鄆州節度使

六月孫方諫以狼山叛附于契
丹丙寅契丹寇邊已丑李守貞為行營都部署義成軍

節度使皇甫遇為副河決魚池大饑羣盜起
五代史六月庚申朔

登州奏文登縣部內有銅佛像四
狼山招收指揮使孫方簡叛據狼山歸契丹乙丑詔諸
道不得橫薦官僚如本處幕府有闕即得奏薦丙寅以
前昭義軍節度使李從敏為河陽節度使以河陽節度
使兼侍衛步軍都指揮使馬暉為靈州節度使壬午以
鄆州節度使兼侍衛親軍都指揮使高行周為宋州節
度使加兼中書令充北面行營副都統以宋州節度使
侍衛親軍都指揮使韓顯玘為定州奏蕃寇壓境詔李
守貞為北面行營都部署滑州皇甫遇為副相州張彥
澤充馬軍都指揮使定州李殷充步軍都指揮使
獻通考晉初置鄉兵號天威軍教習歲餘村民不聞軍
旅竟不可用悉罷之但令七戶輸錢十千其鎧仗悉輸

官而無頓子弟不復肯復農桑多聚山林為盜及契丹入汴縱虜騎打草穀民不堪命所在盜起陷州縣長

吏不制秋七月大雨水河決楊劉朝城武德五代史七月

尚書王延為刑部尚書以工部尚書王松為禮部尚書

以太常卿龍敏為工部尚書以左丞李愼儀為太常卿

以吏部侍郎張昭遠為左丞以右丞李詳為吏部侍郎

以前義州刺史李玘為右丞前晉昌軍節度使安彥威

薨輟朝贈太師丙申兩浙節度使吳越國王錢宏佐加

守太師北京留守河東節度使北平王劉知遠加守太

尉滄州奏蕃寇攻饒安縣楊劉口河決西岸水濶四十

里以前鄧州節度使劉景巖為太子太師致仕辛亥宋

州穀熟縣河水雨水一槩東流漂沒秋稼丁巳大理卿

李專美卒戊午詔偽清泰朝經削奪官爵朱宏昭馮贊

康義誠王思同藥彥稠等並復其官爵自夏初至是河

南河北諸州郡餓死者數萬人羣盜蜂起剽畧縣鎮霖

雨不止川澤汎八月辛酉河溢歷亭五代史八月己未

漲損害秋稼八月辛酉河溢歷亭五代史八月己未

裴羽為給事中庚申李守貞皇甫遇駐軍定州辛酉幸

南莊召從臣宴樂至暮還宮詔潞州運糧十三萬赴恒

州癸亥以右散騎常侍張煦爲青州刺史李守貞奏大
軍至望都縣相次至長城北遇敵千餘騎轉關四十里
斬蕃將嘉哩相公丁卯詔班師庚午以前亳州防禦使
邊蔚爲戶部侍郎以刑部侍郎李式爲戶部侍郎充三
司副使以禮部侍郎盧價爲刑部侍郎以樞密直學士
左散騎常侍邊光範爲禮部侍郎充職辛未以右龍武
統軍周密爲延州節度使癸酉河東節度使劉知遠奏
誅吐渾大首領白承福白鐵匱赫連海龍等并夷其族
凡四百口蓋利其孳畜財寶也人皆寃之甲戌以大理
少卿劇可久爲大理卿棣州刺史慕容超削奪在身官
爵房州安置坐前任濮州擅出省倉麥及私賣官麴準
法處死太原節度使劉知遠上表救之故貸其死丙戌
靈州馮暉奏與威州刺史藥元福于威州土橋西一百
里遇吐蕃七千餘人大破之斬首千餘級是月秦州雨
兩旬不止鄴都雨水一丈洛京鄭州貝州大水鄴都
夏津臨清兩縣餓死民凡三千三百盜入臨濮費縣九
月河決澶滑懷州辛丑行營馬軍排陣使張彥澤及契
丹戰于新興敗之癸卯劉知遠及契丹戰于朔州敗之

大雨霖河決臨黃

五代史秋九月壬辰鄆州節度使侍衛親軍都指揮使李守貞加兼侍中

滑州節度使皇甫遇進封邠國公相州節度使張彥澤

加檢校太尉甲午以權知威武軍節度使李宏達為檢

校太尉同平章事充福建節度使知閩國事乙未前商

州刺史李俊賜自盡坐與親妹姦及行劍斫殺女使又

殺部曲孫漢榮強姦其妻準法棄市詔賜苑于家己亥

張彥澤奏破蕃賊于定州界斬首二千餘級追襲百餘

里生擒蕃將四人摘得金耳環二副進呈癸卯太原奏

破契丹于楊武谷殺七千餘人甲辰以天策上將軍江

南諸道都統楚王馬希範兼諸道兵馬都元帥詔開封

府以霖雨不止應京城公私餽舍錢放一月乙巳詔安

審琦率兵赴鄴都皇甫遇赴相州丙午以太子少保楊

凝式為太子少傅以刑部尚書王延為太子少保前頗

州團練使竇貞固為刑部尚書是月河南河北關西諸

州奏大水霖雨不止溝河泛溢入城郭及損害秋稼是

月契丹瀛州刺史詐為書與樂壽將軍王繼願以本城

歸順且言城中蕃軍不滿千人請朝廷發軍襲取之已

為內應又云今秋苦雨川澤漲溢自瓦橋已北水勢無

際契丹已歸本國若問南夏有變地遠阻水雖欲奔命

無能久也又繼繼有密奏苦言瀛鄭可取之狀先是前
歲中車駕駐于河上曾遣邊將遺書于幽州趙延壽勸
令歸國延壽尋有報命依違而已是歲三月復遣鄭都
杜威致書于延壽且述朝旨啖以厚利仍遣洛州軍將
趙行實資書而往潛申款密行實曾事延壽故遣之七
月行實自燕迴得延壽書且言久陷邊廷願歸中國乞
發大軍應接卽拔身南去敘致懇切辭旨綿密時朝廷
欣然信之復遣趙行實計會延壽大軍應接之所有瀛
州大將道所親賁煥書至闕下告云欲謀翻變以本城
歸命未幾會彼有告變者事不果就至是瀛州守將劉
延祚受契丹之命詐輸誠款以誘我冬十月河決衛州
軍國家深以爲信遂有出師之議

丙寅河決原武辛未杜威爲北面行營都招討使李守

貞爲兵馬都監

五代史開運三年冬十月甲子正衙命使冊皇太妃安氏乙丑以樞密直學士

禮部侍郎邊光範爲翰林學士以給事中邊歸譙爲左
散騎常侍以翰林學士祠部員外郎知制誥張沆爲右
諫議大夫辛未以鄴都留守杜威爲北面行營都招討
使以待衛親軍都指揮使鄆州節度使李守貞爲兵馬

都監充州安審琦為左右廂都指揮使徐州符彥卿為
馬軍左廂都指揮使滑州皇甫遇為馬軍右廂都指揮
使貝州梁漢璋為馬軍都排陣使前鄧州宋彥筠為步
軍左廂都指揮使奉國左廂都指揮使王饒為步軍右
廂都指揮使洛州團練使薛懷讓為先鋒都指揮使癸
酉冊吳國夫人馮氏為皇后乙亥以侍衛馬軍都指揮
使李彥韜權知侍衛司事丙戌鳳翔節度使秦王李從
賡薨輟朝贈尚書令丁亥邠州節度使李德珣卒輟朝
贈太十一月永靜軍節度使梁漢璋及契丹戰于瀛州

敗績契丹寇鎮定

五代史十一月戊子朔以給事中盧

兼侍御史知雜事陳觀為左諫議大夫觀以祖諱義乞
改官尋授給事中庚寅樞密使中書侍郎兼戶部尚書
平章事馮玉加尚書右僕射以皇子鎮寧軍節度使延
煦為陝州節度使以陝州留後焦繼勳為鳳翔留後以
前定州留後安審琦為邠州留後以右僕射和凝為左
僕射甲午兩浙節度使吳越國王錢宏佐起復舊任丁
酉詔李守貞知幽州行府事戊申日南至御崇元殿受
朝賀是月北面行營招討使杜威率諸將領大軍自鄴

北征師次瀛州城下貝州節度使梁漢璋戰死杜威等
以漢璋之敗遂收軍而退行次武強聞契丹入寇欲取
直路自冀貝而南會張彥澤領騎自鎮定至十二月已
丑言契丹可破之狀於是大軍西趨鎮州

未杜威軍于中渡壬戌奉國都指揮使王清及契丹戰

于滹沱敗績死之原注戰將歿于陣守將歿于城而不得或欲降而未暇遽以被殺爾若不可知也或欲走而

走不得或欲降而未暇遽以被殺爾若不可知也或欲走而

彥澤以其軍叛降于契丹五代史補少主之嗣位也契丹

廣辱其使契丹怒舉國南侵以駙馬都尉杜重威等領

而下重威等奏報未到朝廷時桑維翰罷相為開封尹謂

僚佐曰事急矣非大臣鉗口之時乃叩內閣求見欲請

車駕親征以固將士之心而少主方在後苑調鷹至暮

竟不召維翰退而歎曰國家阽危如此艸澤逋客亦宜

下問况大臣求見而不召耶事亦可知矣

未幾杜重威之徒降於契丹少主遂北遷

庚午射兔于

沙臺壬申張彥澤犯京師殺開封尹桑維翰契丹滅晉

原注出帝雖存而晉則亡矣故書滅
丁巳朔己未杜威奏駐軍于中渡橋庚申以前司農卿
諸延英為太子賓客詔徐州符彥卿屯澶州辛酉詔澤
潞鄴都邢洺河陽運糧赴中渡杜威遣人口奏軍前事
宜勢迫故也壬戌又遣高行周屯澶州景延廣守河陽
博野縣都監張鵬入奏蕃軍事勢丙寅定州李殷奏前
月二十八日夜領捉生四百人往曲陽嘉山下逢賊軍
車帳殺千餘人獲馬二百匹詔宋州高行周充北面行
營都部署符彥卿充副邢州方太充都虞候領後軍駐
于河上以備敵騎之奔衝也時契丹遊騎涉滹水而南
至欒城縣自是中渡寨為蕃軍隔絕探報不通朝廷大
恐故委行周等繼領兵師守扼津要且以張其勢也已
巳邢州方太奏此月六日契丹與王師戰于中渡王師
不利奉國都指揮使王清戰死庚午幸沙臺射兔王申
始聞杜威李守貞等以此月十日率諸軍降于契丹是
夜相州節度使張彥澤受契丹命率先鋒二千人自封
邱門斬關而入癸酉旦張彥澤頓兵于明德門外京城
大擾前曹州節度使石贊死帝之堂叔也時自中渡寨

隔絕之後帝與大臣端坐憂危國之衛兵悉在北面計
無所出十六日聞漳水之降是夜偵知張彥澤已至滑
州召李崧馮玉李彥翰入內計事方議詔河東劉知遠
起兵赴難至五鼓初張彥澤引蕃騎入京宮中相次火
起帝自攜劍驅擁后妃已下十數人將同起火為親校
薛超所持俄自寬仁門遞入契丹主與皇太后書帝乃
止旋令撲滅烟火大內都點檢康福全在寬仁門宿衛
登樓覘賊彥澤呼而下之癸酉帝奉表于契丹主曰孫
臣某言今月十七日寅時相州節度使張彥澤都監富
珠哩部領大軍入京齋到翁皇帝賜太后書示于漳沱
河降下杜重威一行馬步兵士見領蕃漢步騎來幸汴
州者往者唐運告終中原失取數窮否極天缺地傾先
人有田一成有衆一旅兵連禍結力屈勢孤翁皇帝救
患摧鋒興利除害躬擐甲胄深入寇場犯露蒙霜度鴈
門之險馳風擊電行中冀之誅黃鉞一麾天下大定勢
凌宇宙義感神明功成不居遂興晉祚則翁皇帝有大
造于石氏也旋屬天降鞠凶先君卽世臣遵承遺旨繼
紹前基諒闇之初荒迷失次凡有君國重事皆委將相
大臣至于擅繼宗祧既非稟命輕發文字輒敢抗尊自
啟釁端果貽赫怒禍至神威運盡天亡十萬師徒皆望

風而束手億兆黎庶悉延頸以歸心臣負義包羞貪生
忍恥自貽顛覆上累祖宗偷度朝昏苟存視息翁皇帝
若惠顧疇昔稍霽雷霆未賜靈誅不絕先祀則百口荷
更生之德一門銜無報之恩雖所願焉非敢望也臣與
太后并妻馮氏及舉家戚屬見于郊野面縛俟罪次所
有國寶一面金印三面今遣長子陝府節度使延煦次
子曹州節度使延寶管押進納并奉表請罪陳謝以聞
甲戌張彥澤遷帝與太后及諸宮屬于開封府遣控鶴
指揮使李榮將兵監守是夜開封尹桑維翰宣徽使孟
承誨皆遇害帝以契丹主將至欲與太后出迎彥澤先
表之稟契丹主之旨報云比欲許爾朝觀上國臣寮奏
言豈有兩箇天子道路相見今賜所佩刀子以慰爾心
已卯皇子延煦延寶自帳中迴得偽詔慰撫帝表謝之
時契丹主以所送傳國寶製造非工與載籍所述者異
使人來問帝進狀曰頃以僞主王從珂于洛京大內自
焚之後其真傳國寶不知所在必是當時焚之先帝受
命旋製此寶在位臣寮備知其事臣至今日敢有隱藏
云時移內庫至府帝使人取帛數段主者不與謂使者
曰此非我所有也又使人詣李崧求酒崧曰臣有酒非
敢愛惜慮陛下杯酌之後憂躁所作別有不測之事臣

以此不敢奉進丙戌晦百官宿封禪寺明年正月朔契丹主次東京城北百官列班遙辭帝于寺詣北郊迎契丹主帝舉族出封邱門肩輿至野契丹主不與之見遣泊封禪寺文武百官素服紗帽迎謁契丹主于郊次俯伏俟罪契丹主命起之親自慰撫契丹主遂入大內至昏出宮是夜宿于赤崗僞詔應晉朝臣寮一切仍舊朝廷儀制並用漢禮戊子殺鄭州防禦使楊承勳責以背父之罪令左右鬻割而死已丑斬張彥澤于市以其剽劫京城恣行屠割也庚寅洛京留守景延廣自扼吭而死辛卯契丹制降帝爲光祿大夫檢校太尉封負義侯黃龍府安置其地在渤海國界癸巳遷帝于封禪寺遣蕃大將崔廷勳將兵守之癸卯帝與皇太后李氏皇太妃安氏皇后馮氏皇弟重睿皇子延煦延寶俱北行以宮嬪五十人內官三十人東西班五十人醫官一人控鶴官四人御厨七人茶酒三人儀鸞司三人軍健二十人從行宰臣趙瑩樞密使馮玉侍衛馬軍都指揮使李彥韜隨帝入蕃契丹主遣三百騎接送而去所經州郡長吏迎奉皆爲契丹主阻絕有所供饋亦不通嘗一日帝與太后不能得食乃殺畜而啖之帝過中渡橋閱杜重威營寨之迹慨然憤歎謂左右曰我家何負爲此賊

所破天平天乎于是號慟而去至幽州傾城士庶迎看
于路見帝慘沮無不嗟歎駐留旬餘州將承契丹命犒
帝于府署趙延壽母以食饌來獻自范陽行數十程過
薊州平州至榆關沙塞之地略無供給每至宿頓無非
路次一行乏食官女從官但採木實野蔬以救飢弊又
行七八日至錦州契丹迫帝與妃后往拜安巴堅遺像
帝不勝屈辱泣曰薛超誤我不令我死以至今日也又
行數十程渡遼水至黃龍府卽契丹主所命安置之地
也六月契丹國母召帝一行往懷密州州在黃龍府西
北千餘里行至遼陽皇后馮氏以帝陷蕃過受艱苦令
內官潛求毒藥將自飲之并以進帝不果而止又行二
百里會國母爲永康王所執永康王請帝却往遼陽城
駐泊帝遣使奉表于永康且賀克捷自是帝一行稍得
供給漢乾祐元年四月永康王至遼陽帝與太后並詣
帳中帝御白衣紗帽永康止之以常服謁見帝伏地雨
泣自陳過咎永康使左右扶帝上殿慰勞久之因命設
樂飲酒從容而罷永康帳下從官及教坊內人望見故
主不勝悲咽內人皆以衣帛藥餌獻遺于帝及永康發
離遼陽取內官十五人東西班十五人及皇子延煦並
令隨帳上陁陁卽契丹避暑之地也有綽諾錫里者卽

永康之妻兄也知帝有小公主在室詣帝求之帝辭以
年幼不可又有東西班數輩善于歌唱綽諾錫里又請
之帝乃與之後數日永康王馳取帝幼女而去以賜綽
諾錫里至八月永康王下陘太后馳至霸州詣永康求
于漢兒城寨側近賜養種之地永康許諾令太后于建
州住泊漢乾祐二年二月帝自遼陽城發赴建州行至
中路太妃安氏得疾而薨乃焚之載其燼骨而行帝自
遼陽行十數日過儀州霸州遂至建州節度使趙建驊
盡禮奉迎館帝于衙署中其後割寨地五十餘頃其地
至建州數十里帝乃令一行人員于寨地內築室分耕
給食于帝是歲舒嘯王子遣契丹數騎詣帝取內人趙
氏聶氏疾馳而去趙聶者帝之寵姬也及其被奪不勝
悲憤漢乾祐三年八月太后薨周顯德初有漢人自塞
北而至者言帝與后及諸子俱無恙猶在建州其隨從
職官役使人輩自蕃中亡歸物故者大半矣五代會
要開運二年十二月契丹犯闕明年正月降封負義侯
其月舉族遷於契丹之黃龍府年三十四年號二天福
自七年至九年改開運開盡三年宰相六人馮道趙
瑩桑維翰李崧和凝馮玉使相二十七年高從誨馬希
範錢宏佐王曦朱文進李守貞石贊揚光遠杜重威李

從溫李周景延廣桑維翰張從恩安叔千馮道趙瑩李
彝殷符彥卿皇甫遇高行周趙在禮李德琬安審琦馬
全節安審信劉景巖五代春秋丙午三年二月壬戌
朔日有食之五月契丹入寇大水十一月杜威帥師討
契丹十二月師次中渡杜威叛以師入于契丹皇甫遇
没于師相州張彥澤寇京師彥澤殺桑維翰丁未四年
正月帝遜于北郊契丹德光入京師誅張彥澤癸卯帝
遜于遼陽通鑑考異漢高祖實錄少帝帥族候于野
邪律氏疏之帝指陳前事乃大臣同謀皆歷歷能對無
撓屈色邪律氏亦假以顏色清異錄晉少主志於富
貴纔進姓名即問錢拜官賜職出于談笑幸臣私號
容易郎君耳目記唐天祐初有李甲本常山人逢歲
飢饉徙家邢臺西南山谷中樵採鬻薪以給朝夕曾夜
至大明山下值風雨暴至遂入神祠以避之俄及中宵
雷雨方息甲即寢於廟宇之間松栢之下須臾有呵殿
之音自遠而至見旌旗閃閃車馬闐闐或環甲冑者或
執矛戟者或危冠大履者或朝衣端簡者揖讓升階列
坐於堂上者十數輩方且命酒進食歡語良久其東榻
之長即大明山神也體貌魁梧氣局高邁其西榻之首
卽黃澤之神也其狀疎而瘦其音清而朗更其次者云

是渾河之伯餘卽不知其名坐談論商推幽明之事其
一曰稟命玉皇受符金闕太行之面清漳之涓數百里
間幸爲人主不敢逸豫怠惰也不敢曲法而徇私也不
敢恃尊而害下也兢兢惕惕以承上帝周治一方故歲
有豐登之報民無札瘥之疾我之所治今茲若是其一
曰清冷之域決滌之區西聚大巔東漸巨浸連波湊澤
千里而遙余奉帝符宅茲民庶雖雷電之作由已也風
波之起由已也鼓怒馳驟人罔能制予亦非其詔命
不敢有爲也非其時會不敢沿沂也正而御之靜而守
之遂致草木茂焉魚鼈蕃焉鹹鹵磊塊而
鬱而發生上天降鑒亦幸無橫沴爾又一曰岑釜之地
岳岳之都分袂北之一隅總飛馳之衆類熊羆虎豹鳥
鵲鵬鷃動止咸若罔敢害民此故予之所職耳何假乎
備言座上僉曰唯唯大明之神忽揚目盱衡咄嗟長嘆
而謂衆賓曰諸公鎮撫方隅分理疆野或水或陸各有
長然而天地運行之數生靈厄會之期巨盜將興大難
方作雖羣公之善理其奈之何衆咸問其何謂也大
曰余昨上朝帝所竊聞衆聖論將來之事三十年間兵
戎大起黃河之北滄海之右合屠害人民六十餘萬人
當是時也若非積善累仁忠孝純至者莫能免焉兼西

三才圖會卷之六

北方有華胥遮毘二國待茲人衆用實彼土焉豈此生
民寡祐當其殺戮乎衆皆嘖蹙相視曰非所知也食既
畢天亦將曙諸客各登車而去大明之神亦不知所在
及平旦李甲神思恍然有若夢中所遇既歸具以始末
書而誌之言於鄰里之賢者自後三十餘載莊皇與梁
朝對壘河岸戰陣相尋及晉末戎虜亂華干戈不息被
其塗炭者何啻乎六十萬焉今詳李生所說殆天意乎
非人事乎文獻通考晉高祖實錄三十卷晉出帝實
錄二十卷陳氏曰監修實正固史官賈緯王仲寶儼等
撰周廣順元年上正固字體仁同州人相漢至周罷歸
洛陽國初卒又晉朝陷蕃記四卷晁氏曰皇朝范質
撰質石晉末在翰林爲出帝草降表知其事爲詳記少
主初遷於黃龍府後居于建州凡十八年而卒按契丹
丙午歲入汴順數至甲子歲爲十八年實國朝太祖乾
德二年也陳氏曰據莆田鄭氏書目云范質撰本傳不
載故館閣書目云不知作者未悉鄭氏何所據也又
賈氏備史六卷陳氏曰漢諫議大夫賈
譚撰叙石晉禍亂每一事爲一詩系之

嗚呼余書封子重貴爲鄭王又書追封皇伯敬儒爲宋

王者豈無意哉禮兄弟之子猶子也重貴書子可矣敬
儒出帝父也書曰皇伯者何哉出帝立不以正而絕其
所生也蓋出帝於高祖得爲子而不得爲後者高祖自
有子也方高祖疾病抱其子重膺寘於馮道懷中而託
之出帝豈得立邪晉之大臣旣違禮廢命而立之以謂
出帝爲高祖子則得立爲敬儒子則不得立於是深諱
其所生而絕之以欺天下爲真高祖子也禮曰爲人後
者爲其父母報使高祖無子出帝得爲後而立以正則
不待絕其所生以爲欺也故余書曰追封皇伯敬儒爲
宋王者以見其立不以正而滅絕天性臣其父而爵之

以欺天下也

五代史臣曰少帝以中人之才嗣將墜之業屬上天不祐仍歲大飢尙或絕強敵

之歡盟鄙輔臣之謀畧奢淫自縱謂有泰山之安委託非人坐受平陽之辱族行萬里身老窮荒自古亡國之

醜者無如帝之甚也干載之後其如恥何傷哉稽古錄臣光曰高祖以地尊勢重迫于猜嫌親執臣子之禮

以事戎狄賂之土田藉其兵力以取天下夫羽翼未成不可以高飛國家未治不可以應敵齊王舍桑維翰之

深謀信景延廣之狂策內政不脩而外挑強鄰使黎民塗野草蕃騎汚宮闕生爲降虜死爲羈魄非不幸也

五代史記卷第九